

敬鄉樓詩

敬鄉樓詩 卷

共 1 册 存 1 册 排架号

08885

詩
飲
樓

葉景葵題



不



飲

敬鄉樓詩序

嗚呼溯初已矣慨念平生垂四十年如一日知溯初者
宜真余若也當壬子癸丑之際初相見於北京時國體
新建羣秀雲集溯初與余周旋其間昕夕談論以闕於
政治者為多未遑措意於吟事固亦不知溯初之能詩
也如是者幾十稔政局日壞志事益乖遂先後舍去整
居滬市每憫世難相嚮累秋溯初於是始稍稍作詩藉
以宣寫其鬱結嘗自謂弱冠時亦喜此以學法政故置
弗為念乃如高達夫五十學詩殊恐兼疏不能入格也
故每得詩有一字未安必就商於余一夕深更叩門聲

中華民國三十三年
敬鄉樓詩序

急驚起問之則湘初遣伴送詩來也約以詰朝奉答乃
天甫黎明而鈴聲大作電問已臨其虛心篤志有如此
者顧有時論詩亦堅持己意爭辯之烈直至面紅耳赤
余語之曰昔鄭荔鄉謂李穆堂齟齬難持之有故而
言之成理為毛西河以後一人令吾子其庶幾乎相與
一笑而罷歲丙子湘初以所業稔憤而去國索居日本
之小瀨其地瀕海以溫泉著近處有山口雲仙景地幽
美為歐美人士避暑之區湘初徜徉乎山隈水涯輒以
詩見寄余為神往丁丑夏五渡海訪之同宿一角樓旅
邸者逾兩月日以尋幽探勝談詩覓句為樂無何蘆海

不

變起暴寇猖狂余匆匆避歸香港湘初獨留既隔歲亦
轉徙來九龍一再赴渝有所建白歸則日必過從或共
遊讌倡予和汝靡弗偕也然湘初酷踐憂患腐心敵愾
而詩益清夷恬淡私歎其修養為不可及辛巳冬香港
易幟余移家滬濱湘初走桂林入巴蜀相去日遠又阻
寇烽偶通書問不復有詩矣惟冀戰事結束白首重逢
樂數晨夕孰料其憂傷累歲猝死渝中竟不及見日人
降伏也悲夫湘初平日講求其鄉良齋止齋經制之學
期大有用於世鬱鬱不得施餘事作詩豈其素志又嘗
蒐輯永嘉先哲遺著刊為敬鄉樓叢書其愛鄉愛國天

急驚起問之則潮初遣伴送詩來也約以詰朝奉答乃
天甫黎明而鈴聲大作電問已臨其虛心寫志有如此
者顧有時論詩亦堅持己意爭辯之烈直至面紅耳赤
余語之曰昔鄭荔鄉謂李穆堂齷齪難持之有故而
言之成理為毛西河以後一人今吾子其庶幾乎相與
一笑而蘇歲丙子潮初以所業稔憤而去國索居日本
之小濱其地瀕海以溫泉著近處有山曰雲仙景地幽
美為歐美人士避暑之區潮初徜徉乎山隈水涯輒以
詩見寄余為神往丁丑夏五渡海訪之同宿一角樓旅
邸者逾兩月日以尋幽探勝談詩覓句為樂無何盧滄

下

變起暴寇猖狂余匆匆避歸香港潮初獨留既隔歲亦
轉徙來九龍一再赴渝有所達白歸則日必過從或共
遊燕倡予和汝靡弗偕也然潮初酷踐憂患腐心敵愾
而詩益清爽恬淡私歎其修養為不可及辛巳冬香港
易幟余移家滬濱潮初支桂林入巴蜀相去日遠又阻
寇烽倘通書問不復有詩矣惟冀戰事結束白首重逢
樂數晨夕孰料其憂傷累歲粹死渝中竟不及見日人
降伏也悲夫潮初平日講求其鄉良齋止齋經制之學
期大有用於世鬱鬱不得施餘事作詩豈其素志又嘗
蒐輯永嘉先哲遺著刊為敬鄉樓叢書其愛鄉愛國天

性然也晚遭沈難子身兵間雖冒萬險以赴事初未嘗
尸其功倘天假以年不必在位而淋世非斯抑豈自昌
其詩已耶要之詩以人傳就令潮初無詩其人亦可傳
況其詩乃性情之所表著者乎嗚呼潮初已矣余序其
詩能無愀然中華民國三十六年五月劉道銓

永嘉黃君厚傳

陳敬第撰

君諱厚又名冲字潮初又以所居地自號朝門浙江永
嘉縣人其先籍平陽考諱冠墩與兄冠圭自平陽鄭樓
遷永嘉君為冠墩第三子冠圭無子以君嗣幼好學深
思嘗臨流坐古樹下半日不去人莫能測但見端凝異
常兒喜鄉先哲遺著過戚友家輒大索紙簾亦往往獲
殘帙師事瑞安陳敵宸弱冠赴杭州致求是書院平陽
宋怒為總教習宋去君渡日本習法政遭嗣父憂返國
瑞安孫詒讓總溫處學務分處挽君為助再渡日本歸
任湖北法政學堂教習武昌革命軍起君潛入浙佐周

承美獨立南北議和開國民會議於南京浙推君代表
偕各省代表馳漢口制定臨時約法君創立民國公會
以光復會為中堅光復會者肇於清季倡革命與同盟
會分幟會稽陶成章王之徐錫麟刺安徽巡撫恩銘熊
成基大通起義同時殉難者如陳伯平馬子畦等亦十
數輩事在黃花岡諸烈士起義前成章被狙擊死會眾
稍稍散君故與習悉約諸公會中北方有共和協進會
推稽忠寅南下謀合併君亦赴湖北合併民社名共和
黨時湯化龍劉崇佑孫洪伊等集各省諮議局議員設
共和建設討論會尋改稱民主黨卒又由共和民主兩

下

黨合建進步黨君奔走之力為多國會選舉當選眾議
院議員折衝各黨間以誠相見袁世凱謀稱帝先解散
國會君至上海主辦時事新報謹論抨擊洪憲僭統蔡
鈞戴戡分赴滇黔君與梁啟超易服密入安南由紅基
登陸啟超赴桂君迂道老街抵滇返安南入桂與啟超
合滇黔桂粵先後舉義旗連兵抗帝制又南說馮國璋
內應世凱死兵解國會再開復任議員武人恣肆變亂
相繼國事益不可問君意不如殖產以厚其力待時而
動鳴資成立通易信託公司志不在逐什一亦非市隱
鳴高朝野士夫廣為結納意氣未嘗少衰尤能濟人緩

承美獨立南北議和開國民會議於南京浙推君代表
偕各省代表馳漢口制定臨時約法君創立民國公會
以光復會為中堅光復會者肇於清季倡革命與同盟
會分幟會稽陶成章主之徐錫麟刺安徽巡撫恩銘熊
成基大通起義同時殉難者如陳伯平馬子畦等亦十
數輩事在黃花岡諸烈士起義前成章被狙擊死會眾
稍稍散君故與習志約諸公會中北方有共和協進會
推籍忠寅南下謀合併君亦赴湖北合併民社名共和
黨時湯化龍劉崇佑孫洪伊等集各省諮議局議員設
共和建設討論會尋改稱民主黨卒又由共和民主兩

不

黨合建進步黨君奔走之力為多國會選舉當選眾議
院議員折衝各黨間以誠相見袁世凱謀稱帝先解散
國會君至上海主辦時事新報諫論抨擊洪憲僭號蔡
鈞戴戡分赴滇黔君與梁登廷易服密入安南由紅基
登陸啟越赴桂君迂道老街抵滇返安南入桂與督趙
合滇黔桂粵先後舉義旗連兵抗帝制又南說馮國璋
內應世凱死兵解國會再開復任議員武人恣肆變亂
相繼國事益不可問君意不如殖產以厚其力待時而
動鳴資成立通易信託公司志不在逐什一亦非市隱
鳴高朝野士夫廣為結納意氣未嘗少衰尤能濟人緩

急寒暖無力求學傾胆恐後學成汲引有相負者則亦
置之平生傲兀負氣蔑視閹閹操奇非所長所業卒以
是覆敗君坦然不以疑謗自阻日寇內犯國都播遷疆
宇淪陷太平國民黨副總裁汪兆銘脫自重慶勾結日
寇組南京偽政府君力阻不聽自此往來香港桂林重
慶間不受羈絡日寇佔香港桂林乃寓重慶九所達白
依侃不撓三十四年四月二十六日卒於重慶旅次年
六十有二卒之前猶以戰勝後未易建國為憂蓋未嘗
一日忘國事也君無子撫諸姪如所生無遺言及身後
弟之子達權感君鞠育承祀為生平好藏書多蒐求鄉

先哲遺著築敬鄉樓藏之樓燬於火書尚餘若干冊存
上海又為日寇所燬曾校印敬鄉樓叢書三十八種行
世設甌海醫院費尤巨奉嗣父命辦鄭樓兩級小學校
誠無負敬鄉矣始祖好施君建鄭樓宗祠晚年閒涉吟
詠雅近誠齋自輯詩為三卷君之歿也聞者無不太息
余交君垂四十年懼其行事湮沒撫捨所知詮次如右
以俟邑乘取資焉

論曰有功不居儒者之常綿歷年載世亦無知之者伊
古以來類此者何可勝道而操人功以為己功甚者顛
倒事實焜耀一時飾譽蘭策是亦極不平之事也如君

者身與國事數十年來所遭尤為善變退然若無所與
而悒悒以死不從而揚摧之豈惟負君或且無以存國
事之真所關非一人一家而已至其寫於行誼亦足矜
式邦人詩云人之云亡邦國殄瘁庶幾無愧色耳

敬鄉樓詩卷一

初學集共一百五十三首
自壬子中冬
以下壬子中冬
十平為瓜

雪夜觀鄭曼青畫山茶

衝寒行到鄭君家燈下閒看落墨花畫史從今添一事

小樓雪夜寫山茶

為曼青題徐悲鴻畫馬

伏櫪猶思萬里行昂頭似作不平鳴也知伯樂難常有
寫入丹青待品評

述懷

講堂議院兩成塵燕楚浮沈負此身更有枉拋心力處
江南十載作商人

贈劉貞晦

以下癸酉

背郭臨流比屋居兩家氣象各和舒
心頭歷歷兒時事
晚日高樓共讀書

題瞎子鬧市圖

市闌幾處起囂塵竹杖銅鑼伴此身
學賈十年成底事
瞑行我似畫中人

題張紅薇女史繪百花長卷

一幅生綃春爛熳數行小字墨欹斜
女中今見丹青手

能寫叢叢沒骨花

黃仲荃六十壽三首

童顏不染秣陵塵六十猶為未老身
莫惜吟髭總更白
古未難得是詩人

執筆相從新學報

壬寅與君同事於上海新世界學報社

當時肝膽各輪

困祇今豪氣銷俱盡旅食江南又幾春

欲將美酒佐高歌幸莫沾唇便厭多
料理征帆歸計定

不教生日客中過

偶吟示貞晦

有序

余弱冠時喜飲酒作詩後皆因故中輟
幾三十年成

辰己巳間貞晦為余校敬鄉樓叢書晨夕相見貞晦
本善飲能詩每勸余飲且常以所作見示遂不覺復
余之舊好焉

無端偶效劉貞晦對酒當歌強自寬今夕微醺生百感
悔將壽算換儒冠

偕潘鑑宗李佩秋鄭曼青及達聰姪趙山觀梅

何處林巒淨絕塵此間樹樹玉為神殷勤遠道來相就
欲把梅花作故人

春風何事故遲來二月山梅始徧開十里籃輿松竹路
清幽處處足徘徊

臨平安隱寺唐梅

長留唐樹在禪關冷幹疎枝古莫攀我替梅花惆悵甚
不知何世此人閒

趙山報慈寺宋梅

趙山雖有梅千樹趙宋時栽似此無我欲笑君多老態
寒身已遣石相扶

佩秋以臨平安唐梅及趙山宋梅之考證見示賦答

同訪臨平安隱寺一株梅樹見幽姿山中甲子勞推算
生近唐朝末葉時

聞道寒梅有鶴棲紹興年植此招提趙山牽距孤山遠

免被人稱處士妻

游起山後一月聞報慈寺僧被盜殺寺樓燬梅樹

亦傷

曾作起山一日游寺僧款洽寺梅稠豈知隔月成塵劫
僧護梅花到死休

古寺由來有廢興宋梅折損卻堪矜山中異事誰能料
萬樹梅花累一僧

自題敬鄉樓圖卷五首

樓連榕樹樹連江風物常思父母邦最是難忘明月夜
慈親相伴讀書窗

兒時情味在燈檠共學高樓有弟兄豈意數年零落盡
長天弔影雁孤征

書卷隨身春復秋卅年旅況似浮鷗驚心萬疊雲山外
劫火無端燬此樓

南宋文宗稱永嘉鄉賢道著有精華編成叢刻堪珍重
安得人人書滿家

大廈將傾慮萬端敢先自計一家安吾樓重建知何日
且寓鄉山作畫看

佩秋五十五生日

洞庭之南衡岳隙中有詩人李佩秋清聲當日稱雛鳳

宦況於今等野鷗，十千斗酒聊青眼。半百年光尚黑頭，但祝吟餘腰脚健。與君共作瀟湘遊。

寄達權姪福州

舉家作客又逢秋，客裏翻憐汝遠游。滄海潮生接閩海，此心已逐水南流。

對月懷吳啓誠蚌埤

明明今夜月，獨倚小樓看。為客秋多思，舉杯誰與歡。少孤能自勵，行役且求安。遙憶長淮上，清輝應更寒。

同郭雲裳遊金華北山有序

北山高處有三洞，雙龍最勝清泉滴。滴自洞出洞口

之石下，壓離水僅一尺許。洞外有舟，恰受一人仰臥。其中導者涉水引舟入口，行約十數步，洞漸高，欹捨舟履地，秉燭遊觀。窮其幽深，但見怪石萬狀，泉聲盈耳，真異境也。

名勝曾聞說婺州，與君今作北山游。溪泉漱石巖何咽，柏樹經秋色更幽。還向峯頭探異境，卻從洞口進輕舟。田園物外如相約，底用仙源別處求。

夜吟

秋夜孤吟坐小樓，閒愁紛起不能收。心雄欲樹擎天柱，力薄難牽上瀨舟。世事如今翻袖手，詩篇有味且埋頭。

暫時掩卷成沉默
燈影蟲聲境更幽

自述八首

吾家自昔住甌東
少小情懷孰與同
曉釣人看臨水立
暮鐘聲喜隔城通

北城內白鹿庵

讀書曾宿江心寺
沽酒常親

鄰舍翁黃庭大今日松濱垂老客
祇將鄉思付歸鴻

弱冠初乘萬里舟
一帆晴日到杭州
止齋門下慚幼學

石階西子湖邊喜
安遊精舍話經偕
仲氏良辰攜酒上

俞樓傷心忽透鴛原痛仲氏雲亭何語歸紆老父憂

重洋負笈甲辰年
隱隱扶桑浪接天
爭霸遠逢遼海戰

蒐書偶獲郡賢篇
余兩歲元永嘉王與若無完錄及明樂清趙士偵著神醫譜等書皆購自

和春遊履折櫻花
下夜讀茶濕竹几
前暇日臨流聊極

目神州浩蕩白雲邊

武昌橫舍面山開

湖北法政學堂

踐約輕裝海外回
敢謝良師

登講席每懷遺響訪
琴臺笙歌人醉黃昏後
擊鼓聲驚

白日來平亥起義脫卻儒冠從此始
為矜世亂不言才

怒潮聲撼浙江湄
曹贊周郎舉義旗周君赤馳赴漢皋緣

定約辛亥冬在漢口各省代表歸來建業似觀棋
分明白黑

憐籌局反覆蒼黃歎
練絲更憶東華塵
十丈議壇辯論

亦徒為

休嗤吾輩是書生
護國曾聯滇桂盟
譚論難消洪憲禍

心交翻死海珠行湯覺頓諱君身嬰熱疾遂馳散路過紅
河始問程余與梁任公先生皆改裝密入安南由紅基
掛為向馮唐親乞援馮華君蒼梧風急又東征

回首平生道義交廿年踪跡在燕郊文章新會師兼友

任公氣味任邱漆與膠爾亮君松社傾談天下計 蓬君蓮

庵看寫雪中梢姚君前塵歷歷還疑夢自念微軀若繫

鉅

因知直道難從政卻把餘生去學商強笑向人憐倚市

深悲有弟履歸航戊午因高事招李弟梅初未絕不眼

中親反多秋草客裏光陰近夕陽獨自行吟黃歇浦怕

將翅翳照滄浪

葉揆初六十壽

膠東傾蓋慰他鄉回首滄桑廿載強平生疾冬余始識旋

結寓鄰未海上曾聞喬德湖松陽石林先生後裔百年

池館春方永九府圖經夙所詳舊籍新錫符鶴算為公

持獻俯眉觴明初龍泉葉靜齋先生著草木子四卷同

與先生同郡余歲有此書因以為壽

同劉放園南翔古猗園看菊

暫遊何處好結伴至南翔節候霜初白名園菊正黃地

因前哲著詩園原為明酒喜此邦香酒名鬱寂寐吾徒

意相期似晚芳

書感

非關羈旅有離愁為值艱危抱杞憂石墜懸崖何處止
雀爭殘粒幾時休飛蛾誰遣投紅焰香草終憐偃素秋
風滿江樓雲接地茫茫前路不堪詠

鄭樓宗祠題壁

橫陽平野此農村水繞祠堂有遠源
族本紫雲分宋代
詩載始祖樂善好施
曾有紫雲蓋宅之瑞
林生丹橘是家園敬鄉遺意存興
學先公創辦鄭樓
兩級小學校修祀同心默感恩列祖精靈天上在
乞為霖雨潤孤根

深宵

何事深宵尚苦吟欲憑秃筆寫遊心
眠遊愈覺燈光靜
思滯渾忘月影沈最喜句從衾枕得卻驚鬢有雪霜侵
忘憂未到無憂境卧聽鄰雞啞啞音

題籍亮儕困齋詩文集後兼示慕顏世講

故人能有後已見刻道編念我遙相贈披書思黯然辭
清傳海內道大困生前兩世交情在揚名望少年

幼時

幼時情緒異忘學好深思意構游仙境胸存命世期飛
騰未日夢沈默少年姿此事成追憶童心尚在茲

除夕遊雪竇呈同遊諸君

明州數邱壑雪竇獨為魁路自山亭入輿隨草徑回息
心資聖寺極目妙高臺潤絕巖飛瀑潭深石長苔蒼蒼
嶽挺柏白白早開梅且喜逢僧話還期隔歲來勝游暇
日共歸意夕陽催話旦天童道新年笑語陪

遊育王天童二寺

育王殿閣冠明州松擁天童山更幽兩寺齊名千載上
今朝取次竹輿游

新年書懷

忽忽逢新歲悠悠歎逝波勞身天與健顏色酒添醜往

事同春夢幽懷入醉哦松楸先墓遠裘馬少年多志大
鄰迂闊才疎慣折磨朱絃知久絕玄髮笑微皤屢欲乘
風去終無飛翼何後凋冬嶺柏寒綠故園莎節序坐鄉
思晴光滿客高旅中千念寐時復一高歌

達聰姓寫乞丐圖徐堯卿愛之因題以奉贈

乞食甯關命途窮為政苛田荒猶責賦調重已停援偷
活今如此披圖感若何知君深意在題贈助悲歌

癸酉除夕

偶效高常侍老未始學詩一年今日盡空自白吟髭

得林宰平書賦答

以下甲戌

入市十年語世態，馳書千里見君情。政談似鯁終難吐，心事如潮未肯平。幸拜嘉言知格律，敢將俚語博聲名。故都朋舊多零落，老眼猶能為我明。

五十二歲生日作

五十二過二生辰，值此朝塵容。羞白髮，驚夢話，垂髫。望山齋壽，誰憐桐半焦。詩成付阿買，細字寫輕綃。

元宵

風光隱約轉柔條，已覺餘寒漸次消。卻喜生辰剛昨日，又逢佳節是今朝。照筵月色真堪賞，中酒鄉心最易撩。回憶少時乘興事，春燈影裡醉元宵。

重到漢口有感

漢皋重到正黃昏，廿載鴻泥有不痕。不盡江流終入海，幾回世事似爭墩。眼前那識新人笑，心上難忘舊夢溫。追憶城南歌舞地，臨風惆悵欲招魂。

沙市

沙市成市帶江流，且喜荊州得少留。割據已非今日事，不須成敗論孫劉。

三游洞

彝陵多少佳山水，未過詩人為品評。此洞尋常無乏取，偶因元白得傳名。

西陵峽

侵晨破浪入西陵
煙雨空濛見未曾
更有峽山堪畫處
萬條泉落白雲層

妙筆襄陽天下無
畫山頗學此規模
神工信是丹青手
寫出西陵雲水圖

巫峽

客裏悲秋杜老情
我來恰值春水生
不覺蕭森覺奇麗
看山難得晚來晴

雲收雨歇過巫山
十二峯高不可攀
神女祇應天上有
人間底處看風鬟

瞿塘峽

山容嚴肅瞿塘峽
水勢雄深滌瀨堆
天險不殊人事異
蕭條夔府最堪哀

兩崖對峙是夔門
萬古江流此吐吞
清嘯久無猿可聽
空餘白帝倚雲根

杜宇

蜀中好山水
曾遊無幾處
杜宇故違人
聲聲喚歸去

少陵草堂

早歲讀公詩
今來入公室
草堂萬古存
水木猶清瑟
詩卷在人間
昭如月與日
遺象尚巍然
比鄰有古佛

空際落吟聲恍如仙樂溢迢迢錦官城瞻宇東門出公
靈遊難追我心悵若失徘徊百花潭欲去又嫌疾

昭烈武侯二祠

路出錦城東來遊此闕宮臣勝知己死君是亂時雄魚
水當年契馨香後世同森森千古柏仰望意無窮

自新洋發至樂山舟中賦贈張公權

蜀山疊疊水悠悠攜手同為萬里遊一月偷閒如出世
此閒行樂是乘舟朝聞杜宇生鄉思夕入平羌愛峽流
待到峨眉深秀處與君長嘯碧峯頭

平羌峽

水連山迎似故鄉桐江終覺遜平羌峽中風景真如畫
獨坐船頭看夕陽

樂山

奇絕黃流開碧流中分二水是嘉州樂山即古之嘉州

黃嘉州城外雅水橫衝峽水故峽上巖頭大佛千年

流碧而下流黃劃然中分誠奇觀也

峨眉紀遊十二首

嘉州城外路漫漫繞換輕舟又滑竿山名為愛峨眉天

下秀不辭萬里遠來看

峨眉縣郭小如舟向晚輿過未少留便出南門入山去

高林落日往通幽

半輪山月忽當頭伏虎禪林足暫休行過韜橋凝望久
參天樹色入雙眸

路轉峯迴山漸深忽逢兩水夾牛心石名亦雙飛橋上

蒼茫立飽聽流泉漱石音

普賢騎象西方去此地空餘洗象池萬蓋神燈看不見

此間有萬蓋神燈朝普賢之說所謂神燈始為燐火黑夜可見其數頗多我來正值月明時

閻王偏與羅漢坡託命與夫幸不蹉上視有天下無地

行人常踏白雲過

緼袍五月尚無溫更見山僧擁火盆試上高寒金頂望

羣峰拱伏似兒孫

過仙庵下可道遙處飛泉落碧霄到此方知名不忝

茲山真秀在龍橋

九老洞門日日開寺僧緣客掃蒼苔此間聞有猴居士

山中稱猴為居士又稱山兒此處最多僧能呼來與客相近乞為相呼一見來

措子負人不實躡木製措子負之洪椿坪上姑一試綠樹

蒼崖日午時攝影聊為茲游誌

緣崖連約臨深壑狹僅容人板壁過卻喜此來曾濯足

黑龍灘上碧流多

龍門景似小三峽如此溪山欲畫難我對石船忽惆悵

溪中有長石
曰石船子
今生安得再來觀

宜賓黃山谷流杯池

吾宗謫宦此樓遊
韻事猶留後世思
為訪流杯高詠處
扁舟斜渡夕陽時

合江夜泊

停舟合江口
正是月明時
客有吹簫者
清聲動旅思

歸途感賦

心蒙三峽與
我山身趁
夜輪逐浪還
水似高僧無
住相
峰如好友有
歡顏
漫誇地險
惟天設
須視民窮
若已瘵
深盼蜀中
非後治
岸材誰出
濟時艱

宋吳謂生考妣墓

四載離鄉今暫回
齋心謁墓郭溪隈
松楸長大人垂老
他日猶能幾度來

東灣謁繼考妣墓

客中頻有夢
琴帶到東灣
先墓四年別
故鄉今日還
何時重展拜
自歎已衰顏
迴望松楸合
遲遲下碧山

訪馬祝眉兼題其所著琴譜

還鄉猶是客
相見兩相歡
知我遠來意
取琴一為彈
雅絃驚落雁
清話契幽蘭
古調今誰愛
書成只獨看

輓蔣叔南

別我纔逾月思君直到今
雄談猶在耳凶問忽驚心
汨沒千秋恨淒清一夕沈
人生胡至此悲涕那能禁
論山及雁蕩無客不稱君
此地東南秀斯人鸞鶴羣
尋幽能獨往紀勝有高文
今後追思處石門潭上雲

輓周印昆

梁姚蹇籍後今日又悲君
政論誰能重詩名空有聞
舊都衰草地新碣故人墳
月夜吟魂冷歸與湘水濱

再輓印昆

七千古來稀君壽況過之
雖死非命使我今後奚悲不
悲乘化去所悲不逢時
惻惻思前事應心淚自垂
辛亥

仲冬日識君津海涯政論多相合
十載共驅馳君志在匡濟夙有遠
大期不得行其道懷抱盡向誰
甯能無所感哀吟有新詩君今百
不視永眠西山陸西山多高墳
其中有故知梁姚與蹇籍風義兼
友師生前同憂樂歿當永追隨人
間此何世再生願君邊

酷暑

逾月未聞涼雨聲浙西酷暑更
心驚萬家有井難醫渴半畝無
田亦厭晴水涸湖中舟渡阻草
枯陌上犢飢鳴村農已歎新絲
賤况復連阡稻不生

題曼青寓贈荷花

素壁何光絢荷生頃刻間圓疑中婦鏡豔比少年顏稠
夢花容盛丹青意匠艱吾廬懸此畫如在菱菱灣

芙蓉何處好曾見後湖來曼青之言如此畫本胸中貯蓮花筆

底開田田青欲滴朵朵淨無埃花卉誰能手藝壇數此

才

陳蔗青五十生日

曾共止齋門下讀陳所相逢湖上早春時少年滋味餘

燈影今日風塵見鬢絲世事如棋全局換交情如水寸

心知人生百歲君方半樽酒還欣有後期

重陽佩秋寓樓小集同放園貞晦作



又過江南一度秋依然多難睇神州喜君為具杯中物
邀我同銷客裏愁兼有楚看能悅口底須霜菊插盈頭
最難佳節逢良友共倚高樓菽唱酬

贈周孝懷

問我今何事營營不為名學詩懷可寓居市夢猶清節
入黃花晚心驚白髮生相逢索吟草足見故人情

哀姪女潤仁

我雖未達觀無兒不覺楚況有姪數人亦足慰情緒我
於姪女中羸弱早慮汝結婚同里郎實緣汝母許七年
產三兒辛若獨含咀汝姊死於媿齡短天不與汝復為

晚亡重泉成儔侶念此每黯然沈吟恐愁佇人生如露
電修短無可語獨嗟擇壻難彌足哀此女

贈胡子笏

久為塵俗羈未制心中賊如夢過半生空自愧通識有
朋遠方來龐眉好顏色談吐氣若蘭悲願長惻惻我聞
五臺山古來多大德此山君有緣住久意幽極渴汲清
泉飲飢煮寒石食石君著行苦志彌堅加持藉佛力佛
即君之心此理兼顯默君本為政人皇皇欲救國圖治
雖無從違己終非得懽然覓依皈性行何絕特初冬客
路寒近市寺偏仄就君促膝談使我聞茅塞清修有坦

途心直道自直

同佩秋貞晦遊宜興善卷庚桑兩洞

何方福地似婀娜陽羨山中有兩洞茲山初在太湖中
久與水風相磨礱磐鬼斧神工億萬年開成此洞棲仙眾
仙人騁鸞飛上天今但泉流山鳥啼洞外山勢頗平衍
洞裡石形懸乳澆善卷水洞幽可通擊楫行舟如鑿空
豁然開朗見康桑海王之殿銀為棟人云善卷勝庚桑
我謂伊呂相伯仲攜友驅車此探奇終日歡遊作笑聞
何當共買陽羨田結茅洞口餘年遂

揚州雜詠

昔年幾度廣陵遊
花映欄干月滿樓
今日重來怯回首
蕭條城郭使人愁

嶺上梅花堤上柳
風光一樣足相思
高飛縱有橫江鶴
不過仙人不許騎

偶吟贈放園

淨几閒憑思渺漫
身勞卻幸得心安
不辭取笑淮陰市
底用相彈貢禹冠
美酒且謀今日醉
好山還喜晚年看
佳人本自幽居慣
初薄猶能共歲寒

除夕平滬車中

孤旅當殘歲
微醺入暮時
江船載車渡
野樹對窗移
動

盪難成夢清閒
但賦詩燕郊
明日到欲起故鄉思

西山謁四友墓感賦

西山初雪後
沈凍午天晴
作客思亡友
驅車出古城
橋

邊尋石碣季常亮備印昆三君墓皆在青龍橋下
寺畔展松塋任公先生墓在卧佛寺

聯墓如鄰里
論交見死生
先知多士表
圓道一邦英
欲

別疑君在追
懷有淚橫浮
雲當世議落
日此時情延佇

霜林裏寒禽對我鳴

歲除日次韻寄懷劉次饒兼謝其為余詩草題詞

百年舊業硯為田
字內流傳絕妙篇
謝文著厚菲
岐海惟

公存魯殿瑤琴緣
我動文弦無情歲
月辭人去有約
山

林卜宅連明日吳淞江上望春生煙樹水含天

五十三歲生日作

以下乙亥

此身直似一輕舟敢向奔湍作溯遊浪靜風和知有日
淵深冰薄庶無尤豈嫌久現勞人相聊喜今添海屋籌
供世猶餘筋力健不辭呼馬與呼牛

寄題虹橋居士林兼贈張雲雷

久愛鄉居結淨緣相思幾載隔山川虹橋小築吾曾與

建霖此林余曾有賦蓮社高風今有傳說法每能邀遠友吟詩常

自得佳篇遙知心鏡明於月不向人間覓福田

曼自壽韻題海上孤鴻圖

真同不繫一漁舟海上冥冥任爾遊設險深池安敢顧
居巢翠鳥莫相尤未逢矰繳原天幸好把行藏熟自籌
漫謂乘風雙翮健孤飛遠欲逼星牛

鑑宗約遊雁蕩未果行次韻奉和

連朝風雨已妨游塵事羈牽亦未休暫緩尋春甯失約
難忘攬勝是良謀鄉山況入還家夢潭水猶縈弔友愁
待到清明好時節共君歸去展松楸

泥皇閣品茗賦贈閣主兼呈同座諸君

相攜踐約來高閣細品茶慰所思丰瓿山泉烹活火
四時花氣入清卮茶有水仙荷花梅
花等名味如其花佳人幾見如佳茗

好友還應賦好詩快意今宵逾得酒不辭三椀沁心脾

貞晦屬題曼青畫贈永仙

湘娥疑不死化作水中花帶月粧逾淡波影欲斜神
未憑畫筆春好到詩家玉立雙仙骨還應護碧紗

王志澄六十壽

早於湖上識瑰材論政尤非百里才高卧滄江生白髮
驚看世路蔽黃埃幾人嘉邇能居市卅載深交似飲醅
遂介齊眉周甲子稱觴愧未賦歸來

雁山紀游三十韻

看山如看書溫故樂無已以書比此山奇誕類諸子

友論雁山曰奇不足言樂於誕論山如論人風骨有相似以

於性性不足言樂於誕
人比此山奇崛類勇士我生甌海濱雁蕩在眼底追思
廿載前登涉曾一視及茲再來遊疑有山靈使入目無
不奇瀑巖與潭水東谷以巖勝天柱拔地起展旗與對
立屹然近尺咫靈峯南坑口千巖競奇詭西谷以瀑勝
龍湫歎觀止隨風散玉屑映日成霞綺梅雨西石梁二
瀑相妹姊幽深斤竹澗潭水此尤美潺湲彼石門泉聲
如清徵行行至南閣勝處輒延企龍溜散水崖堪悅目
與耳奇絕顯勝門破荒故人始荆南得平生好遠遊踪
跡逾萬里持此較他山歷覽無其比山川富鍾毓人物

亦堪紀昔有章大經孤忠不畏死今有蔣村南強項不
畏訾人地氣象同此理足研揣寬博非所長耿介行其
是人事幾代謝茲山終古峙四顧百感生誰與論斯旨
還登仰天窩高曠無塵滓我倘賦歸未讀書欲借此

冀北

失地東隅憾未申又看冀北滿胡塵固知卻敵關民力
誰信扶危仗黨人公道難期盟國助吾言枉惹大官嗔
甘為此策心何苦忍辱還須說善鄰

有感

何事向人陳國郵登門誰信本無求出山流水寧辭涓

含雨孤雲卻自收漫道匹夫懷尺璧忍為上客待焦頭
天心如此將安往且盡芳醪遣百憂

雁山三折瀑中折最佳聞近來遍種蘭草因思重
遊

東谷峯頭有奇瀑銀河倒挂折為三半巖景勝似圓蓋
中壘泉飛成綠潭更植幽蘭襯寒石長令芳氣雜晴嵐
家山如此思重到布襪青鞵不厭探

上策

久患左耳鳴近復右臂痛雖已具老形未能解塵鞍山
林豈不思蕭灑日月送自縛苦重重息肩畏譏諷夏日

長如年消遣暫吟弄一卷讀未終耳中作雷闌養生宜
習勞免為風寒中學拳方月餘臂疼如斲礪清宵偶闌
牌笑呼獲三鳳有時的朋儔往往難得眾影戲近喜看
妙舞兼清呀電光瞥然過悲歡同一夢世事祇如斯光
陰極倥偬何以遣餘年上策惟開甕

雨後有作

一雨能消三伏熱追涼何必入山深偶緣疼臂謀微醉
豈為名家始苦吟壁有懸圖荷欲活世如忘我舌宜瘖
結廬雖在巽慶境邱壑胸中尚可尋

陳叔通見示重游雁蕩詩因念君與余初到雁山

先後皆蔣村南導遊今村南墓已宿草讀君詩
有感和作

昔年我亦到山曾谷口先達接客僧名巖攬勝最佳經此
道導游卻憶有良朋清潭照影人何在怪石生雲路可
登料得重來轉惆悵倘聞猿哭隔溪藤

次韻村通莫干山山居即事

入山豈為採芳薇清淨心源即道機慣見興衰都莫問
深知愛惡兩俱非幽棲漸漸成喧市遠望頻頻歎落暉
風月新秋應更好何當杖策款林扉

次韻仲荃江溢河決紀辰之作

風塵瀕洞老江邊客裡憂思似湧泉兵禍已經傷此歲
陸沈真復見今年足跡誰治滔滔水浪濶難尋漠漠田
四瀆何因同汜濫凶災莫謂盡闕天

佩秋以追懷福州平話女郎及可然亭酒肆女主人之作示放園放園和之極言滄上錦江餐室

女主人亦精烹飪之術佩秋復有和作爲放園

示余并言余有道學氣恐遭無禮之斥因戲答

兩君

偶然吹縵水盈池底事干卿屢有詩各抒閑情傳秀句
總緣妙技稱芳安錦江春比閩江好楚客吟成越客隨

莫謂解人老無分風流儒雅亦吾師

贈楊伯疇

栗庵不起濶之殂利濟門墻久已蕪此日誰傳陳氏學

如君無愧塾盧徒先緒開瑞安陳塾盧創辦利濟醫院
於永嘉君與陳粟庵胡潤之皆其高

足弟千金方出醫逢厄君云自孫思邈千金方出世
往住多請方藥而罕完病理爲

我國醫學一郡名高道自欣敢祝目光重炯炯君病長

教病客慰來蘇

中秋夜飲友人宅中

宅與名園僅隔籬秋來憑眺更相宜碧梧深院多涼意

明月高樓有遠思浮世縱教塵滿目良宵可負酒盈卮

倚欄忽爾聞鄰笛卻為高聲感鬢絲

送張欽霖還恆山兼呈左一峯道人

北嶽有道人髯修頰似童學道不計年久住此山中餘
事精拳術遠紹三峯翁堂堂張先生骨聳心且雄竭誠
師道人技成道遂通通飄然海上來憂道不憂窮與我若
有緣數月笑語同後學四五人有姓權與聰君謂皆可
教如苗被春風佳節近重陽明月麗碧空恆山有高會
君行何匆匆自愧無仙骨况復困樊籠未能隨君往問
道致幽衷人生苦有涯短促如候蟲時至偶一鳴忽為
乘化終安得徒赤松萬古居崆峒

重九寄佩秋杭州兼示放園貞晦

容易又重陽相望隔杭滬清晨試倚樓濕雲翳天宇雖
無蕭蕭風已見纖纖雨縱寬千仞岡登高亦莫取方聞
意阿戰軍書疾飛羽殺人一何多罪惡向誰數不暇哀
阿人頻年有外侮弱肉強所食垂鑒足千古佳節愁裡
過消除賴清醑蒼顏叢菊前秋色滿環堵忽復憶去年
此日正歡聚置酒問誰家楚友實為主知己兩三人我
與二劉伍此樂渺難追新醪成獨撫黃花依舊開霜鬢
添幾縷心境俱冥漠望雲行踽踽

牆東

久畏墻東輕薄兒美人獨坐歛雙眉拒施非禮愁逢怒
甘與同衾恐見欺前路多歧安敢料此生自斷不須疑
誰言世有黃衫客空費深閨展轉思

登蘇州靈巖山

越女昔承寵粧臺依翠微今尋館娃址惟有野禽飛藤
轆穿雲路楓林映寺扉秋山多爽氣日莫欲忘歸

靈巖懷古

夫差方盛時好色不好德西施本越人許身為其國何
處館娃宮斯人難再得靈巖終古青憑吊試登陟楓葉
紅於花猶似傾城色

與放園貞晦及權聰兩姪同遊木瀆靈巖天平諸

勝次貞晦韻

昔游乘舟令乘車木瀆重臨朝霧餘斑肺初嘗石厨味
斑肺作羹曰斑肺湯
石家飯店為之味尤美道踪還覓西子居范氏墳前石

如笏村姑肩上簾作輿太湖萬頃在眼底蒼空何時來
釣魚

秋感四首和次饒仲荃貞晦倡酬之作

抱殘心事有誰知搖落空如宋玉悲想見故山秋色裏

離書深夜一經師次饒時在永嘉校
御先哲遺著

墻隅蟋蟀最知音為喚清秋伴旅吟殘照西風人獨立

白門寥落動歸心

仲荃時客金陵將歸里

銷魂豈必為秋來蕭瑟江南詞客哀吟罷斜陽煙靄句

滿腔愁緒鬱難開

北知有斜陽幾處煙之句

蕭蕭木葉寄高聲寂寂江樓澹世情辛若此生空白鬢
學書學劍兩無成

無題

爐有熏香食有魚相期買醉此樓居蓬山隱隱無多路
青鳥悠悠未寄書隔座好風花嫵媚盈杯美酒客軒渠
調羹豈少纖纖手閱盡當爐總不如

仲荃因風雨達旦爨火不燃賦詩見寄次韻奉和

羈棲久與素心違但覺家山不易歸寒雨江城催曙色
輕裘客舍怯霜威入厨炊黍新猶濕寬句銷愁計豈非
我亦知還如倦鳥何當攜手返林扉

為馬碧萱女士題方介堪贈所作畫

一瓶松影一壺茶畫筆清新信足誇贈與詩人張素壁
伴吟應到月光斜

次貞晦韻題其畫梅

杜家酒與陸家茶酒後茶餘興更賒君愛畫梅兼嗜酒
醉將酒甕養梅花

李藻孫自岳州來泥將有金陵之行賦贈

可念黔中一故人十年薄宦走風塵
楚澤吟成白髮新今日相逢疑夢幻
舊交誰與話情親
勸君慎向金陵去
投刺休遭官長嗔

次韻貞晦叔敬鄉樓叢書第四輯成見贈三首

常自漸微力空乘大願船
世方悲浩劫人孰寶道編述
作終難朽昭潛信有緣
搜書三十載
讎勘賴君賢

書已刊四輯
共八十冊

釋興儒道繼前哲
感鄉關唐玄覺大師
昭明僧林雲

素究習道
蘇詞是名賢輩
有志師經制無成困市闌心

維桑梓敬夢溯宋唐
遂此事存篇藉微求
徧故山

二劉修絕學

次魏

與我辨香同
不問人間世
能收紙上

功
禪尊一宿覺
詩喜四靈翁
道味胸中在
幽如守桂叢

乙亥除夕宿南湯山

拙身聊作石城游
除夕湯山沐復休
五十三年塵裏夢
百千萬念海中漚
峯巒帶雪逾堪賞
林木經冬更自幽
獨惜溫泉如美酒
舉杯留歲不容留

大雪中自南湯山歸

以下兩子

天開銀海先生眩
車走雷聲客欲回
自笑勞人幽興淺
雪中底事入城來

千巖萬壑一塵無
形勝休誇似畫圖
今日山川皆縞素

天公亦弔失東隅

五十四歲生日作

介壽顏徒醉哦詩句尚新可憐黃浦月偏照白頭人心
事隨流水梅花占首春細看開嫩蕊聊自樂生辰

生日到北平作

此都畢竟屬誰家一看渾如霧裏花但覺到頭多患難
更堪屈指數年華三邊積雪危旌動獨夜重城淡月斜
無術壽人羞自壽莫言當酒有清茶

北平偶吟

舊愁新恨忽交并賸對西山眼暫明為展松塋過海淀

追思夜雨話團城任公先生曾住此輒戈幾處能堅守著底何
人敢倒行直欲十干沽斗酒盡澆萬念一時平

次韻仲荃感事

北京歸後又南京似此栖栖宜自營今日所憂惟國破
莫年甯望以詩名愁看春雪傷農畝怕聽江潮打石城
徒歎風塵久飄泊終無一策罷心兵

寄任志清蘇州并為鄧尉採梅之約

天遣春寒勒野梅遲遲二月未曾開頗思鄧尉橫梢處
相約先生放權來流水空山煩問訊暖風晴日好徘徊
尊中倘有茅台釀判共花前醉一回

偕放園貞晦及聯彬達權兩姓重到起山觀梅
天意欲放梅氣候轉晴暖起山古寺邊梅花應已滿朝
往暮須還驅車不容緩宋梅我故人相見情尤款雖曾
經浩劫老幹幸未斷及時摘著花以娛清遊伴今年暖
若逢頗惜春光短索笑能幾回題詩未容懶朗誦寒花
前開懷把酒盃

自滄乘飛機歸永嘉

故鄉滄海外春暮偶懷歸侵晨發龍華日出霧猶霏昔
人乘黃鶴悠然逐雲飛令我何所乘妙造有飛機俄頃
盤雲上憑虛無所依仰窺河漢逼機影沒碧暉俯視山

岳破城郭認依稀忽失前路景翳霧成團霧散孤嶼
出江水繞禪扉捨機方登陸寒雨濕征衣載欣瞻衡宇
猶及慰朝饑

會聖嶺口占

會聖嶺頭日影斜土崩路阻客停車天台已過黃昏近
借宿難尋仙子家

佩秋重得其先德孝望先生寓杖九通目錄二冊

賦詩徵和因次第一首原韻奉酬

昔日先生宰樂成絃歌比屋出窗楹曾聞頌滿千人口
寧止詩專五字城復舊天教存手澤徵題我亦識衷情

李舟不媿承名父佳句清如一片瓊

子芴贈菩提正道菩薩戒論賦謝

欲覓安心法逢君眼信明出迷先守戒入道貴修誠自

問漸中士猶勞指化城上師有名論論為西藏宗塔
巴上師所造持

贈見深情

敬鄉樓詩卷二

永嘉黃犀湖初

小瀟集共一百七十首

白內子
託己卯秋

寄懷放園

內子李冬

樓外回波似鼓音樓中逋客若蟲吟
滌身滄海清奚補
入夢良朋遠可尋常念兩家同患難
久忘眾壑異晴陰
相依廿載終胎累愧負平生一片心

再寄放園

以下丁丑

欲託微波寄遠思此情惟遣故人知
巢傾誰惜分飛燕
花落空餘半老枝前路艱虞猶跬步
我心活潑似童兒

高樓臨海蒼茫坐每為懷君一寄詩

五十五歲生日作

去年生日亦題詩客滿書齋酒滿卮月下步遊黃歇浦
閨中聽誦白香詞是夕聽內子讀白香詞講令朝海角成孤坐此味
心頭只自知賴有閒鷗相近慣猶未慰我旅吟時
力彈援絕敗非寬往事追懷只斷魂生不成名徒自苦
老猶避地向誰言吟喙頗似魚思水蹇踖遂同蟲處禪
祇覺心源尚瑩潔滌煩且聽海濤喧

樓外蒼松松外海朝朝有客此登臨盪胸鑿鑿雲連水
豁日曠曠日照林書卷獨披成益友蒲團閒坐覓初心

下

餘生修短何須問自助當思往哲箴
海外原非夢裡遠江南重到是何年莫言雲散山仍出
惟恐人歸雁已先倚伏世途難自料艱辛朋舊尚能憐
今宵幾處神州月誰為愁看獨不眠

元宵無月獨酌

天將微雨辜佳節海色昏昏夜未央樓影侵雲宜待月
客心隨水欲還鄉自憐蓬島淹留日獨對村墟富久娘
酒名余常飲之蒼莽神州何處是今宵遙憶更迴腸

得虞裳書因寄以詩

避地僑居海上樓鄉心幾度逐波流每憐功敗成今別

還為書未動舊愁容
歲同君連袂坐深宵
許我望門投此情
真似東溟水浩蕩
能容載翼鷗

得徐寄廂書賦此謝之

吾生知何似應似澤中莖
天土託孤根榮萎任棄采
憶當少壯時國士漫自待
豈知非其才蹉跎四十載
從政既徒勞學賈翻為罪
歷戰皆孤軍敵體無完鑑
聊盡區區心雖敗亦何悔
侵晨煙靄中掉頭東入海
故人城北君情義終不改
作書勤慰藉蘇鮒兼策貽
感此常遶思管鮑流風在
海水雖云深君情深百倍
江南倘再逢過從不嫌每
轉瞬又陽春寒梅欲破蕾
餘生非由他託命

於真宰

放園未書詳論詩法賦答

想見裁書筆不停
雙魚遞渡滄溟
詞源為我從頭溯
詩話因風隔海聽
欲去東瀛過朝塞
常如曉月伴庚星
連朝春暖堪尋句
安得同遊到野坰

櫻花歌留贈松藤君

李花太白桃太紅
櫻花紅白得其中
天遣三花連日發
小瀆無處不春風
君家櫻樹冠小瀆
枝頭花似晴雲新
我未獨酌坐花下
花如為君作主人

陶枕歌

靈生功名士偶然以夢傳達旅逢呂翁殆亦有前緣仙人妙法傳東海陶枕依稀遺製在我把崎陽作邯鄲伏枕尋思如有待豈期終夜眼常開柯爛梁熟何有執底事傳枕不傳夢教人顛倒困蓬萊我非盧生徒况已老且愚身如鷗鳥寄江湖枕上微吟聊自娛

佳人歌

北方有佳人娥娥中婦姿自憐高格調顧影臨清池背鏡畫眉黛淺深甯入時誰能惜雨過夫婿輕薄兒強使倚門笑朝朝與客隨門前履跡深復深買笑不惜囊中金黃金本屬卿家物卻遭米客苦相侵仰天欲為佳人

顛倘憑帝力啓其心知卿自少玉為骨青春雖去氣未沈花飛須記根仍在莫逐東風無處尋

瓶花

香氣不勝清瓶花照眼明施朱嫌太赤解語更多情窗罅雖侵雨燈前豈落英枝頭知幾許卻為盼朝晴

止藥

醫者非仙人藥亦非金丹失眠由心勞忘心眠自安通來半月餘上林如上灘逆流舟不進高枕夢猶難今宵欲止藥先使百憂寬世事與身事悉以慧眼觀天容本澄潔雲散月團圓醒睡任自然不藥勝加餐

贈賈花翁木下君

閒行每及夕陽斜幾度經過木下家伴我惟餘一枝杖
喜君能種四時花田園妙藝真堪羨烟雨元功莫漫誇
人力已施天亦助春陰常為護新芽

載酒

落魄蓬瀛載酒遊豈同杜牧在揚州偶聞座上素琴奏
轉觸年來旅客愁安得好花能解語自憐華髮已盈頭
清狂恐是他生事惆悵當歌漫倚樓

放園有東遊之意賦寄以促其行

雲仙花好宜游曠芳艸山原徧躑躅層層深紅復淺紅

萬花映帶萬叢綠秋看楓葉冬霧冰豈如初夏躑躅樓
勸君早定東游計及此花時曳短筇

昨夜

近年常苦和愁睡昨夜安眠得未曾失喜黑甜温旅枕
轉疑黃嬾伴書燈藏頭休笑同馴狎奮翮寧思學飽鷹
熟讀嵇康養生論愈知有味是無能

得柳生君夫婦自東京來函因憶前遊賦此寄贈

小瀆邂逅亦前緣善繪因知筆似椽為寫丹青存俚句

君為繪瓶花并
錄余詩見贈同看躑躅恰晴天島原海畔傾杯酒江

戶城邊寄手箋一語祝君須記取畫家春屬是神仙

次韻放園一角樓對海

吹綿清灣水風光海面多
偶憑欄共賞如見鏡新磨
度日間須酒觀心誓不波
窮通應任運遠處聽漁歌

次和林園小瀆

浮海通九州寬得幽樓地
長松擁高樓山水迴環翠
索居將一年豈意與君對
萬事心印心澹然忘世態
接天海色佳雲水俱明媚
飛鳥共落霞觀出天然
繪梅雨節未終陰晴更殊
致他鄉亦賞心好景莫輕
置縱為避地人神明同無
愧最難共一樓隔室安穩
睡

倚樓

樓傍深灣景物殊
連山回合海成湖
乘潮遠艇如浮梗
映日微波若散珠
水落魚龍失蹄宿
雲稠島樹共模糊
萬千氣象陰晴異
晨夕憑欄興不孤

次和放園杯中見月

杯似淺平碟酒如涓滴
泉持此伴吾飲豈能共
陶然高樓得月早
觀賞不用錢影落
君杯底一彎恰初
弦舉杯邀明月古
有李青蓮君亦不
解飲與月如有緣

放園以小瀆雜詩八首見示次韻奉和

無成非一事轉軻此
生多自悔緣疎濶
天教受折磨心期
同蟻夢客路逐鷗
波晚歲淹蓬島
茫然獨詠歌

去夏離吾土，伶俜孰與侔。蓬心甯有戀，棊局已全收。雖
信小瀆美，原知世界浮。墜樓湖九死，登樓失脚 跌傷腰脊無恨亦
無愁。

一卧連三月，雲仙夢見之。病從秋後愈，山愛雨餘宜。載
酒尋紅葉，停車看碧池。山中願天凌絕頂，意豈在陳

和

躑躅紅稠候，茲山再度登。客衣花氣襲，鳥語谷神磨。葉
木塚村舍，溫泉噴澗騰。欲游雲外地，車轍越高層。

島原何所見，隨地出清泉。洶浪汀沙細，排松海嶼圓。壺
傾賓已醉，歌罷思猶鮮。近水宜觀月，旅館登樓似上船。

下

別離將一載，謀面意相同。來自關山北，逢茲瀛海東。驅
車上巖戶，山聯袂坐松風。才薄隨君後，吟愧未工
夏日原堪畏，今茲更吐輝。人皆厭焦灼，君每歎衰微。欲
掉孤舟去，甘同獨鶴飛。何言可相慰，排悶酒頻揮。
我亦天涯客，頻年滄海經。魚桐甯脫屣，孤竹不成町。縱
作分飛雁，終為復合萍。人情同物理，那用泣新亭。

次韻放園七月二十九夜之作

又報鯨波揚渤海，遂傳蜂螫遍燕都。艱難豈絕興邦望，
委棄寧逃失職誅。韻語君能濡史筆，羸身我尚辱泥塗。
江湖已分歸華髮，不向龜山歎斧無。

送放園返香港

一雙倦鳥久相違，異域重逢得暫依。
忽報戡風河北動，又吹孤燕海南飛。
人生到此應知命，吾意從茲欲息機。
却為會難傷別易，離杯濺淚送君歸。

八月二十二日放園將返香港，余送至門司待船，於丸山旅舍承錄東坡別子由後馬上賦寄之。什并加跋語見贈爰賦此答之。第一首次句即用不飲胡為醉兀兀意。

門司客舍同君別，情緒渾如醉未醒。
極目歸舟天際穩，海山一髮望中青。

小瀟甯似香江好，別後真同孤雁形。
非不留君若無計，烽煙滿地感飄零。

海上

海上看濤又一年，煙波朝夕對華顛。
鄉山遠望雲開處，客子長留日出邊。
時難不歸空許國，途窮須忍莫呼天。
由來人定終能勝，自把犀書細細研。

晨風

海水縈何喧短枕，晨風故為送清音。
樓前波浪雲兼湧，夢裏山川寇已深。
聊以當歸頻遠望，毋徒自苦且高吟。
近來頗喜林頭富，詩集誠齋字字金。

和放園歸舟中見寄

浩然棹首竟南歸，勸住言多恐易非。
兩情深情逾海水，終期真德共山扉。
歲寒原已知松秀，思叢何妨先雁飛。
萬頃波光舟一葉，想君離恨倍依依。

晚景

霞藏落日明天際，山對高樓繞海隅。
忽見霞光成水色，潭疑山外又平湖。

寄貞晦

無端身類藏頭雉，一月曾承一度尋。
別後萍踪飄碧海，年來瑤札抵黃金。
他鄉酒味三杯曠，故園苔痕萬屐深。

又值涼風天未楚，為君西望叢長吟。

和放園有憶見寄

劉子恩歸如渴餓，朝朝急迫問船期。
挽留無計當遠送，待船聯袂到門司。
門司海上有丸山，山莊歲在翠微間。
中有侍女名曰碩，動人卻不在容顏。
能將妙語承客意，倘酒勸餐具深致。
為言會少別時多，更飲十杯莫辭醉。
我聞斯語動離愁，世亂他鄉何獨留。
衣上淚痕多於酒，此心九兀遂歸舟。

飛渡

身與憂患俱酣睡，久已無夜寐常和夢相。
相思須臾有

時非夢復非睡清聲燈影共模糊昨夜夢魂忽飛渡歸
去來方無畏途勢見黃河滾滾揚其波風腥傷國破
鬼屬喜人過胡方何處有聖壘健兒之死矢靡他夢中
欲奮空拳鬪忽覺身猶在網羅漁舟具載遊法言會也
月白風清海似銀捕魚千艇往來頻忽聞水上歡聲動
舉網今宵得巨鱗工部及山山
閒中尋樂事轉覺似忙時照影長臨水澄心細讀詩茶
香朝撥火酒暖夕傾卮若問斯何地茫然不自知

紀夢

豈不懷故鄉浮雲蔽遠望欲濟海無舟况有如山浪情
然擁孤衾夢落甌江上宋岳與東灣松楸幸無恙樂築
我兩翁終古此安葬展拜久不能歸魂空惆悵鄉枝何
巍巍鄭樓平野曠鹿城東南隅醫院麗且壯學子得師
資病夫得療養是皆十年前先人所手勗先後任鄭樓
小學校及
海醫院建藥費及歷年經常費樂達十萬金二十三年
余以醫院移歸本地慈善團體繼續料理後又以小學
板金及設補捐時浙省政府以為開辦鄉村師範學校之用仍附設小學
事誠當釣游憶兒時江流何漾漾榕存固可欣樓燬苦
難忘移書藏滄滄烽火誰能防殃若及吾書悲同良友

喪夢魂飛上天，吁籲乞保障。天門龍虎躡，驚人逞怪狀。
身若墜滄溟，伶俜絕依傍。驚醒暫疑神，引茗試滌臟。晨
風入戶清，隱約聞漁唱。

寄佩秋

累君自愧未先知，對我還聞有怒辭。佳句重經滄海至，
君兩次贈詩朗吟每及夕。陽邊疲心疎，潤思前事極。目烽煙
愴此時，白首江南何日見。林盤款款復談詩。

向晚

飄然向晚獨扶藜，行徧田原又海堤。落日紅依山，青盡
遠帆白與浪頭齊。忽聞野老談征戰，轉念家園殿鼓鼙。

不

我倦欲眠依短枕，林鳥莫對夜窗啼。

去年八月佩秋託人為余算命，並以兩批八字交

貞晦轉寄。至今年十一月始到，因賦謝佩秋。

故人憐我問窮通，垂老無成驗命宮。在水一方勞遠望，
為山九仞愧前功。餘生何事須着決，高誼伊誰與子同。
遂喜尺書終捧讀，敢將遲慢怨郵筒。

憶蘇州

涼葉因風作雨聲，酒醒力散夜三更。忽思往日吳中盛，
愁對孤燈夢不成。

寒山寺對劫餘城，夜半霜鐘寐不鳴。惟有飛鳥還繞樹，

啼聲時雜鼓聲聲

遊詠訪池

殊煩思上青雲梯北串山近試攀躋何人界此山間溪
分作三池障以堤清池連接如貫珠四面蒼松千萬株
鳴有幽禽浴有鳧返照入池景更殊眼中高下幾山村
盡依此水灌田園老窻熙熙閒抱孫歸饋上阪急如奔
黃昏將近始未遊猶繞池邊步再周水涵吾影若吾泗
雖非吾土亦解憂

詠史

后羿彎弓妙入神著稱善射幾千春可憐授盡穿楊技

卻被蓬萊殺此身

魏文貪位忌陳思諂聞親疏早可危寧待哀吟煎豆日
始知同本已成離

默坐

爐香瓶菊伴修藏日日黎明坐小牀若使真知心即佛
此閒無異老僧房

雲仙山中觀霧松

為看霧松嚮明未失喜山靈不我猜編素諸拳非積雪
橫斜萬樹似開梅鳥飛忽點寒光破日出方知淑氣催
久近坳風膚起粟此身尚戀白雲隈

寄達權姪九龍

護國曾為東粵客如今飄泊怕登臺
餘蓬島寒仍重春至香江暖漸回
立志尤須先遠識扶危原自仗羣材
盈盈一水非難渡破浪乘風望汝來

浮海賞雪

邱原到處似銀鋪着水能留一片無
不為浪花添縞素空教林葉失霜朱
歸帆穩桂知舟重凍硯微呵欲墨深
御喜深灣可容與尋詩雪下倍清娛

夜望

月照波心上下明低昂漁火覺潮生
清光搖海猶難盡

寫入新詩那得成

一角樓旅次

蓬飄何處最生愁獨夜三年一角樓
驚夢每緣衾枕冷寄身且喜水雲幽
樽開醞酒香浮噫風起飛濤勢沒臨
偶欲出門探勝去喚鄰乘興即同游

寄徐寄顧

泉溫冬日亦堪涸海澗樓頭可縱眸
垂老此身居此地浮生如夢復如漚
莫嗟舊業隨流水且寫新詩付速郵
為問南枝近消息暗香已動雪中不

水仙

梅未飄香菊已殘
房樵虛竅怯微寒
水仙恰似孤吟伴
玉立亭亭到夜闌

所思

為貧雖許干微祿
謀國終羞仗外援
忍見階苔留履齒
得官豈勝布衣尊

戊寅元旦

以下戊寅

晴旭烘窗欲解裘
寒帷曝背思悠悠
才鄰疎濶憐房琯
詩喜敷腴學陸游
白首三年淹異域
青山一髮睇神州
萍蹤不似春光轉
元日天涯獨倚樓

長吟寄放園

不

思

我曾贈君詩久未承
和作詩筆風所欽
詩債今欲索豈
緣病初愈榻管畏力弱
抑為生事艱情緒為之惡
倘使
中吾言頗惜空燥灼
兩者皆可醫惟詩能為藥
清吟百
慮忘兀兀如獨酌
有時構幻思恍登五雲閣
佳句偶得
之珍勝獲珠珞
君默識心玉瑩然無住者
何物病與貧
那敢加纏縛
吾窮豈有殊
吾體亦脆薄
客舍誰與親
鶯
似風枝鵲曳杖感
孤行半途意每卻
令君雖羈將姻妯
欣有託攜幼對孺人
言笑不寐
冥秋月憶團圞
冬林悲
搖落賴茲吟興長
自忘在溝壑
倚樹聽禽鳴
臨水觀魚
躍景物助吾吟
吟無異賓入幕
安用身後名
聊取眼前樂

吾詩如俚言後欲一笑博譽彼力田人所望秋有穫君
詩如大邦應未主盟約何況會面難遐邇相思各通辭
託遠波唱和宜如昨聲歎隨風來溫逾被狐貉吾儕命
在天仰首無慚忤百摯動春雷野有求伸蠖且各樂閒
吟消遣此旅泊

雪中閒望

僑居鬱鬱已三年今日初逢大雪天卻喜雪中春信透
寒梅破蕾一嫣然
近樹遙山白滿頭樓邊更有可凝眸尋常一樣蒼松色
帶雪看時分外幽

沽酒

五日須沽酒一升却嫌客舍價頻增挈瓶自向鄰家買
留飲歸時月滿膝
醞醕引睡有奇勳寧止消愁仗半醺為把酒瓶藏袖底
歸來衣上似香薰

雲雷次余寄貞晦原韻見贈因疊韻奉答

避繳早同孤鳥逝投詩遂荷故人尋豈語世故三緘口
惟感交情百鍊金浮海跡淹蓬島久懷鄉夢入雁山深
更驚多難登樓怯恨別傷時動越吟

雲雷疊韻見寄因再疊韻答之

啟絨驚有安仁悼想見思人恍欲尋莊夢曉迷身化蝶
佛林光映地鋪金愁腸莫似車輪轉春郭惟餘草色深
國破君鯨俱可念臨風惆悵答高吟

五十六歲生日作

又近元宵節遂傾自壽危眼青長對海頭白屢添絲緯
火多焦土愁吟鮮好詩折梅誰有意為我寄南枝

幽人吟贈放園

不逐東風沾落絮卻居空谷伴修篁幽人氣味寒梅似
冰雪中浮一段香

眼底紛紛鵝鴨亂胸中歷歷消溼明幽人踪跡間鷓似

白水寒沙好結盟

詠水仙

玉立清姿直又斜不須濃抹自芳華青伴蘭葉原堪愛
白似梅花更足誇誰惜國香久流落獨依泉水度生涯
客中得此真良伴共抱冰心避世譁

瓶梅

自插梅花一莞然風光昭蕩小廊前洗瓶換水真佳事
此樂今年勝去年

偶吟

鴉鴻海上倦飛鳴擬傍蓬萊老此生西憶鸞鳳無舊侶

東來水石有新盟
向陽澗道初消雪
送暖春風欲放櫻
待到鄰家邀飲日
判將青眼為花橫

次韻汝玉戊寅元日夜吟之作

忽見東來尺鯉騰
傳書渡海訝何曾
分飛暫惜雙成隻
浮議終消怨與憎
歲換鬢愁看鏡裏
春歸人遠隔雲層
遙情寒重淞瀟夜
悄悄孤吟對一燈

放園錄晚翠軒和馮庵詩見示謂詩中情景與余

近況相類因用晚翠元韻賦答

朝煎奇茗豈求仙
相傳徐福東來求長生藥而得石樹
茶久飲成仙余年來常飲此茶殊覺
有血
胃力夕酌芳醪為引眠
來日難知聊復爾
好花相對更

欣然我方夢繞誠齋筆
君早詩齊晚翠肩

放園和前韻見寄再疊元韻答之

榜散奚堪比謫仙
海濱我亦酒家眠
未能斗酌真徒爾
縱以詩名卻偶然
朵朵好花紅照眼
絲絲衰髮白垂肩
杜陵自是文章伯
著句遙酬敢鬪妍

櫻花

櫻花顏色出天工
着粉施朱總得中
恍似雲霞舒錦繡
欲教桃李作奴僮
海濱久客經春再
晴日依枝照酒紅
忽念鄰園千萬朵
尚容留賞幾東風

酒懷

以酒佐夕餐年來成慣習昨夜飲稍違心頭若梗阻初
疑肺氣衰苦吟致病蘇俄傾具盤飧更取酒漿挹不覺
笑口開胸膈調張翥乃知前所楚肺乾待酒泡孤客三
年淹百憂雙鬢集藉酒以怡情甯被酒拘繫頗欲學養
生涓滴口不入卻愁終夜醒旅懷何以載取舍既兩難
勢須先所急後茲繼不飲長年孰能執人生天地間行
樂時當及櫻花方盛開銜杯依樹立醉則折花歸豈殊
瑤草拾花好欲遺誰思之轉快悒

看花

幸及花無一片飛越阡度陌看若菲野人不惜分春色

喜把繁枝緩緩歸

客子吟

客子常畏人馴同不吠犬長日坐高樓每覺歡情鮮出
房又入房疑有鬼瞰旁如形對明鏡妍醜難自藏魚常
惡其網馬思解其鞅何處是樂郊喬遷勞夢想身似離
根蓬飛住由天風愁似三春草莖去後光光人生能幾
何感日已甚多羈旅干戈際空知學醉歌

放園酬余詩有同病天涯奈不眠句因再賦答

跡寄香江浙詩同夢澤吟自寬成寐易相愛進言深莫
令憂催老須教鐵作心論文多市道涉世幾知音

別小瀆

且整歸裝且浩歌洗兵無術挽天河此心惟惜鷗盟敢
細雨斜風別恨多

杜鵑未殺客先歸顧影真同獨鶴飛最念雲仙山色好
臨行回望遠峯微

將歸忽止感而有作

不怨東風着意吹飄飄墜葉久辭枝縱教暫被泥黏住
淹滯猶容有幾時

汝玉來書有多少事欲說還休句賦此慰之

欲說還休多少事含愁猶似未忘言勸君宜學拈花笑

相印心道自存

五月六日得滄友書始知余所藏書籍及卿先哲
字畫志於去秋為兵火所毀賦此紀哀

祕笈忽成塵加殃及古人吾鄉鴻寶盡楚炬燒痕新枉
有移存託滄友未起時余曾託人設法將卿書畫移
存租界乃覆函僅云時局外繁內艱無一語
及移存事其
後並無未函終為痛悔因令朝千百憶一憶一傷神

不須怨運乖生也豈無涯死後逢先哲何言想疾懷好
書難再得名畫已長埋所失闕全郡頻將老淚揩

五月十一日偶吟

止酒徒教愁睡煎茶莫撥火成灰瀕危白齒兼旬痛

滿插瓶花十日開芍藥薔薇紅又白後山前海雨還雷
窺天容色如塗墨者句疎達已費才

躑躅

去年雲仙看躑躅花光紅映山色青今年躑躅滿吾室
欲將好花作圍屏深紅淺絳皆親插羅列大小幾甕瓶
花禁之中著一我休笑孤影寄伶仃不飲常如醉兀兀
坐聞花氣襲人馨雲仙恍同不速客自送晴嵐入牖櫺
佩秋寄示近作次和

久羈鷹隼怯乘秋西昫風雲滿目愁
孽壞名城惟恐後收歲秘笈豈容留
問天何日生儒將埋骨如今慕醉侯

君亦思為長夜飲更遲桃葉駕輕舟

次饒用余寄貞晦詩原韻見懷兩首疊韻奉答

身如客雁扶桑寄忽見雙魚渡海尋
寫出高懷憑秀句傳來片紙勝兼金
萬方多難愁空結三載孤羈感自深
從此瓶花簾月地把君新什幾回吟

飛烽淅沍憐焦土秘藏難缺夢裏尋
鑄錯虛糜六州鐵亡書似失百籛金
傾心先哲漸無補袖手危時痛更深
何日乘風得歸去與君閑話復聯吟

夢回

又被濤聲誤空驚夜夢回疑侵飛雨
點愁失聚書堆草

清肌無汗茶溫鼎自煨啟窗殘月在放眼早潮來
迢迢隔滄海隱隱望神州白刃連年戰黃河滿地流相
煎何太急苦憶不能休獨坐高樓上凄然似楚囚

晚憇沙洲口占寄佩秋放園

橋灣膝處有芳洲袒跣追涼夏似秋沙岸為林後為枕
海山當目月當頭兼攜瓶酒謀微醉敢向滄波較喜涸
清興何因旋即盡咨嗟此際之交遊

夏日偶書

固知吾道有污隆自掃閒愁善處窮天意倘增刀筆吏
人情真類馬牛風東來三見池蓮白曉起常先海日紅

但把着書為素履不辭長與蠹魚同

東面依山西面海此間客舍盡朝西灼人最畏當窗日
親我惟餘傍岸鷺揮汗題詩無好語洗心辟暑有靈犀
清風一枕高樓卧靜聽聲聲水拍堤

放園未書多情慨語賦此廣之

不論得失與榮枯途異歸同浩劫餘後視今猶今視昔
誰思子似子思余春回嘉禾未高鳥水落寒江去巨魚
試察物情應一笑知君自返此心初

雜詠四首

鯨魚鼓浪與山齋搖尾揚鱗銳向西眼底何曾有魴鱉

來時真吐氣如霓
恍同木偶被羅裳
點笙歌幾處忙
誰管人間羞恥事
但求牽率一登場
背水曾傳古陣名
決流今日亦奇兵
一時雖得陽侯助
何策長同海若爭
已被彭郎占小姑
秋風雙淚濕紅縑
可憐窈窕漢皋女
信誓羅敷自有夫

放園憶去年八月二十六日門司之別賦詩見寄

次韻和之

去年海上逢君別
此事銷魂那堪說
弔影真同旅雁孤

驚弦尚怯餘音烈
絃絃知復說
門司未讀新詩氣
先咽
精誠能作金石交
聚散不愁風花替
南海東溟一筆通
魚書可解離情結

閏七月十五夜望月有感

若非逢閏歲
今夕是中秋
碧海生明月
清光到小樓
三年東國客
一夜故鄉愁
況值干戈際
得歸終勝留

西窗對月有懷

可憐海月初生魄
淡淡寒光讓眾星
漸到圓時漸遠見
回西殘月挂窗櫺

記曾同飲初弦夜
影落杯中發唱酬
今夕伴余惟有月

故人南去已經秋

中秋思家

旅懷直欲託歸潮，傳送甌江歌浦遙。
無限秋光無限思，可憐時節可憐宵。
倚樓衣薄風偏入，止酒杯空月未邀。
共此清光人萬里，黯然凝望碧天寥。

樓前

一角樓前萬里愁，煙波浩渺接神州。
漫傳軍化為猿鶴，真有人爭作馬牛。
隔海故山難入望，傲霜黃菊耐經秋。
此身與世相違久，欲共漁翁泛釣舟。

旅居書懷

歸誠足樂留非惡，壯且無成老可知。
往事如棋今結局，浮生若夢此題詩。
適逢村酒沽三椀，偶見園花買幾枝。
行世不須自為政，任天最與拙相宜。

放歌五首

好山好水卧堪遊，此地渾如多景樓。
還數蒼松供下酒，自呼臣是醉鄉侯。

雲水光中久卜居，西窗桂起浪生初。
幸然不用彈長鈿，客裏朝朝食有魚。

自栽花草不知名，朝灌清泉午曬晴。
贏得淺紅間深碧，誰言學圃又無成。

誰言學圃又無成

誰言學圃又無成

誰言學圃又無成

借人巨岳插黃花秋色如春不厭看盆盞更安些子景
何曾蕭索送生涯

我書醜惡似無鹽誰信佳人竟未嫌笑向晴窗聊把筆
古容野態出毫尖

莊華園看菊

兩三畦裡萬霜葩占斷秋光木下家園主姓木下我比淵明
尤索寞立人籬下看黃花

汝玉寄示書懷詩有病怯新霜誰似我此情惟有

菊花知句賦此答之

思婦樓中日月長遙憐慈鬢已添霜病身經比黃花瘦

逸興還看晚節香

賦得失眠最是怕秋宵得有字

放園和余中秋對月詩有此句因以為題戲作八韻
答之

秋宵何所怕清冷最妨眠況是羈遊久誰為失路憐涼
嫌余似水長畏夜如年傍海風多厲窺窗月自圓鄉書
空繾綣瓶菊自芳妍人與花同淡歸後雁占先聞吟供
養性默坐學參禪寂寞含愁眼素微欲曙天

十一月十二日即事

海氣俄然變寒威亦烈我烏雲籠日去素霰灑窗未風

勢欲摧木濤聲若吼雷
錦袍猶怯冷更暖若爐灰

夜坐

莫聽鄰房客語尖
閉門獨坐夜厭厭
愁心酒已無權破
衰髮霜如有意添
苦恨山雲將月翳
生憎海氣似風嚴
思量待曉看花去
賸喜寒葩不我嫌

讀史有感

臨屯樂浪亦神州
武帝旌旗海盡頭

臨屯樂浪皆漢武帝所置郡名在今

朝鮮中部可惜漢家此洪業
祇今已付水東流

唐室雄圖憶太宗
六都護府首安東
如今除却西南徼
盡在東風作怒中

岳家營陣豈容侵
河洛曾傳屢破金
外患今茲尤過昔
若無名將似湯陰

蕩平倭寇靖塵氛
定遠當年不世勳
寇已重來更深入
使人空憶戚家軍

五湖吟

四處湖光共晦迷
獨餘青草岳陽西
湘靈應更深清怨
瑤瑟聲中雜鼓鼙

五嶽吟

對峙華衡西與兩
同情五嶽已亡三
山靈似恨人難恃
半腹藏雲自拒探

二十八年元旦感事

前言猶在眾皆知，易轍中途亦足悲。
怪論忽同蛙聒耳，痴心欲與虎謀皮。
應思人可回天意，會看花隨散故枝。
頗覺今年春信早，風光漸向柳邊移。

妙語

艾謂雞頭為舊訓，楓梅蛙手是新知。
因楓葉形似蛙手此邦妙語如成記，特較齋諧恐更奇。

瓶中梅菊

早梅晚菊幸同時，分插甕瓶四五枝。
與我俱為歲寒友，因君忽動故鄉思。
園林籬落滿兵甲，粟里孤山長別離。

共是江南歸不得，隔年相見莫愆期。

步月看梅

殘臘氣猶溫，玉梅早返魂。
看花宜月夜，著屐過山村。
疎影浮寒水，清輝滿小園。
根塵此俱寂，舊夢了無痕。

大雪

轉巖風徹夜勢欲撼，
高樓清曉窺蒼海。
前山變白頭，庭梅衝雪放。
旭日帶潮浮，未製寒衣容。
然薪當著裘。

次韻答虞裳

吳鄉獨客忽三霜，誰念吟髭白復黃。
惟有林宗知料度，卻憐踪跡似參商。

自哀復為後人哀劫裏家山夢裏回往事已知無法說
欲酬詩又畫爐灰

以鍼灸治右臂痛獲愈

東來斯術得傳真鍼灸常聞效若神療臂經年今獲愈

權將我體作銅人

陳文帝天嘉三年即日本欽明二十

日本實為鍼灸術東傳之始明堂圖及藥書等赴

永祿元年吉田意休赴明就左孫周學鍼灸術其後香

入江賴明赴明就吳林達學鍼灸術此為斯術中吉田

流與入江

不知火有序

陰曆每年除夕二三更時小濱海面忽生火焰炯如



燃炬聚散不一隱見無定一年之中惟此夜此時有
之人皆不知其故遂名之曰不知火余客茲鄉三逢
除夕前以不知有此故未留意今春於報上見其照
片特於除夕憑欄相待歎為奇觀因憶昔年遊峨眉
山通達月夜致未睹萬盞神燈朝普賢之奇景今猶
惜之緬想所謂神燈與不知火殆同為燐光之類與
海面忽看明似炬歲除獨有理難知深宵倚檻殷殷待
飛焰騰波點點奇應屬燐光非鬼物宛同燈影憶峨眉
東坡當日金山寺是否瓌觀若此時

高宗武未訪同宿雲仙觀光旅館賦贈 以下已卯

平生朋舊知多少誰訪孤踪到日邊為我遠來留一宿
與君闊別忽三年身經夷險情逾見談到興亡思欲然
山館高寒夜寥寂偏聞石罅瀉溫泉

五十七歲生日作

四載海東村羈旅欲斷魂生甯忘自青春已轉微溫不
速來山月相憐對酒樽年年有初度何日宴家園

晚眺

離愁似柳逐春生萬縷千條暗自縈寒汐歸時思欲浦
夕陽明處憶甌城慣看海色連天色忽誤松聲作雨聲
暮靄無端遮望眼樓頭延佇若為情

春日野望

珠蕾山櫻綻金丸野橋垂日臨桃弄臉風定柳低眉獨
立千林對閒行一杖隨興閑欲歸去凝望又移時

三月十七日夜分先後夢見三人余皆與之有所

問答後一人但吟一絕句而無他語醒後盡忘

問答之言及絕句上聯惟記其下聯云世事何
須論得失童心應自問存亡細味其言為之憬

然因作一聯以足之

天人消息試參詳入夢微言豈渺茫世事何須論得失

童心應自問存亡

汝玉寄示近作絕句題曰偶成其下聯云忽聞梁
燕呢喃語新舊巢痕又不同蓋移居有感也因
作此慰之

似曾相識舊時燕不負負家今又來
草草新巢甯所怨
呢喃為博笑顏開

春游口占

春到山村處處花出門放杖賞芳華
渾忘遠近高低路
笑入林間一酒家

落葉

故林多病葉早茂仗春光
颯爾逢秋氣飄然落野塘
化

泥應護本供爨亦留香莫逐東流水浮沉兩可傷

年年葉換葉飛鳥莫相猜但護孤根在何憂暴雨摧
思同黃煮豆肯似履粘苔木落能重叢誰云春不回

登山

任他野老笑癡頑花事關心豈肯閑
難得雨晴堪放杖
欲留春住又登山流鶯還木黃頻奏翠壁遮途蔓可攀
敷席層崖迴磴上橫眸芳樹冷泉間

買花

芳塍閒步趁晴暉試著新成短窄衣
春為游人添一笑
買花賺得蝶同歸

未歸

聞到餘醞尚未歸相期真與故人違成寒應恨東風惡
權亂原慚志力微碧血黃流哀慘劫春冰完尾凜危機
片言曾託雙魚遞欲濟時艱計莫非

感賦

今日應無魏絳功不須五利說和我惟恐自助邀天助
戰死猶能作鬼雄

劍南到死望平戎家祭猶教告乃翁我病卻思留命待
可能及見九州同

夏夜長崎醫院作

卧病渾忘返照移樓前忽隱碧梧枝螢流火景臨幽處
蚊聚雷聲鬧暮時盛夏應無人愛日異鄉誰解客吟詩
更尋良計消長夜擬向鄰房看奕棋

病中寄放園香港

旅懷無說處動即寄君書病久醫非易時危痛有餘東
瀛孤客夢南海故人居不盡綢繆意惟憑雙鯉魚

炎夏

炎夏西窗日苦長松風幸送一宵涼獨後月下觀滄海
遙隔雲端憶故鄉羈旅光陰如逝水兵戈消息祇迴腸
痴心欲與鷺潮說歸夢休教墜渺茫

飲冰

賣冰旗任午風颺古社松陰夏日長
飲蘇一杯初雪名冰
後不知林外有驕陽

川康

武侯修治及邊隅名蹟猶存打箭爐
康定地形擁西蜀
巴塘氣候勝東吳元戎望重逾磐石
客子腸迴似轆轤
何日樓船下三峽金陵氣殺一時無

隴新

度關明月憶秦時不盡長風萬古吹
欲把天山作西嶽
還將青海當昆池壯心竄竄仍為客
前史昭昭足繫思

亦助東南恢復計經營莫使隴新遼

感事

問評故園花叢未報書繞有幾人曾
還鄉結伴談何易
啄腐吞腥謝不能鷓鴣與鷓鴣雖殊嗜好
天連海色共清激
繞樓松對孤吟客心境渾如竹院僧

狂吟

一幅輕羅裹玉肌入門笑聽唐詩沈人翻
作扶桑語
舌敬猶難解妙辭

九月一日作

夜已何其報五更起看殘月色溼清
迎秋高樹無情碧

催曉寒鬢任意鳴家國頻牽通客夢東西今接戰聲
聞波蘭已對德抗戰倘回天地祥和氣敢怨歐先亞息兵

玄菟郡

可惜前朝玄菟郡借李義山句玄菟郡為漢武帝所置在今朝鮮北郡如今淪喪

屬他邦漢旌已被天驕拔涓水依然雪浪撞興廢循環

人自苦悲愁重疊酒難降欲將往事詢箕子魂夢曾過

鴨綠江鴨綠江在遼東與朝鮮界

交趾郡交趾郡在越南馬援豐功再見難紅河依舊水潺潺昔賢幕府開交趾

漢交趾郡在今安南河內唐安南都護府而設此今日邊防限涼山消息久無

翡翠鳥煙塵長鎖鎮南關我曾兩度尋銅柱每入龍編
便汗顏

一醉

不飲緣多病今朝忽舉觴非將酒為藥欲遣悶無方旅
鬢年年白秋宵細細長麴生幸相寬一醉得真鄉

寄佩秋

迢迢東海有枯魚寄書思歸南嶽鳳海水倒流都上西

東風作惡相吹送江神瑟縮似醯雞橫流今已入雲夢

祝融亦動懷山愁行見烽煙昏瀕洞鳳兮鳳兮休即歸

火維地荒妖怪聚衡陽旅雁卻飛回清怨怕聽瀟湘弄



中秋詠

停杯閒讀古人詩
歷記中秋對月詞
頗覺少歡多苦語
從來搖落易生悲
東來四度過中秋
每對嫦娥便欲愁
安得宵深沈醉後
化為黃鶴返神州

次韻放園中秋雨中見懷之作

此夕扶桑海氣清
寒光初出帶潮聲
冰輪自古有圓缺
世事由人見敗成
聽雨達辰勞遠憶
觀心似月異同明
莫憂終夜虛簷滴
早晚應聞鶯噪晴

汝玉題小瀆集絕句云一卷傳來海外醉大都是

贈放園詩艱難每誦深情語
我為添愁君未知
因次韻答之

不是琅琅大雅辭
勞人夢語課梅詩
酸嘶恰似焦桐韻
多汝能從爨下知

敬鄉樓詩卷三

永嘉黃羣湖初

香島集共一百三十一首

自己卯冬
訖辛巳冬

次韻放園同登宋王臺

澆胸無酒下雀菟放杖來晴上此臺宋室久亡惟石在
鄉邦多難與君未原知復楚終能復不暇哀秦只自哀
共聽沙頭嗚咽水欲歸蹇步尚徘徊
十二月十九日乘飛機到重慶

首都今在萬山陬浩浩巴江繞郭流滿地干戈行不得

卻從雲路入渝州

恍如化鶴忽飛來城郭人民兩可哀不約歸期偏乍見
巴山夜雨共銜杯

新麻除夕時客香港

昨居東海今南海依舊懷鄉念亂心百歲光陰悲逝水
一生遭過愧焦琴青燈明處市聲聞赤手張時客感深
何物惱人眠不得無情爆竹響難沈

次韻酬實蒙

得歸符我願追往識君真久愧疎胎果彌知道可親笑
言春藹藹風骨石嶙嶙豈有才如此天教老滄濱

移居九龍塘

觀海年未興已閑卜居今喜對晴巖淡黃山石甯書業
濃綠庭柯映畫欄禦臘袷衣知地暖洗愁樽酒及宵殘
掃門頻共高鄰語謂宗舊日棠痕乞細看

砲仗花

異卉生南國人稱砲仗花葉葉牽絲蔓豔豔葦丹葩榴
火甯堪擬櫻雲不足誇客中聊自慰冬日賞芳華

乍寒

觸葦蕭條歲暮愁小園碧樹乍颼颼平生最自知寒暖
甯待西風入敝裘

幽棲

幽棲地僻遠吾情景物清新入眼明園葢異花稱碗仗
風延啼鳥作琴聲窗虛山似畫園現氣暖冬猶草木榮
不恨因循成久客布衣是處欲躬耕

贈胡致五

朱家原任俠記室亦翩翩露膽添杯酒謀生硯作田無
華瞻道力得暇愛詩篇病眼塵埃裏逢君輒豁然

冬日芭蕉

芭蕉葉大色猶幽冬日鄰園冷翠桐欲起放翁相告語

此君身世亦宜秋

陸放翁句芭蕉
身世不禁秋

嶺南少雪卻非無雪裡芭蕉可入圖頗訝惠洪題畫句

故教摩詰笑胡盧

宋釋惠洪題王維雪中芭蕉圖有雪
裏芭蕉寒暑句以芭蕉非雪中物

己卯除夕放園贈詩述其病狀并預祝賤辰因次

韻奉答

君居香島我九龍會難不因衣帶水人同畏箭難藏頭

歲如赴壑蛇膾尾明年轉眼恐蹉跎往日愧心後跡地

藉電傳言倘誤聞得詩把讀為驚起傷痍豈免乞醫王

傾踞應非逢路鬼遊心欲化北溟鯨視病如作南柯蝶

冀君回頰露丹紅為我開筵拂紫几白酒黃雞供笑談

焚香著句添欣喜更寬眼界看春潮共綰眉壽介繁祉

除夕報詩君莫哈預約元宵具甘旨

宗武惟瑜夫婦同為歐美之遊賦此贈別

以下
庚辰

去年初春君訪我雲仙共話到深更今年初春我送君
九龍握手意難分文情應與年俱積春去由來不容惜
但使花開勝舊年根深却怕春風顛救國須從自救始
猛然掉頭覺今是此去歐洲復美洲最難梁孟得同遊
去舟倘夢西湖月故國還憂金甌缺不榭欲加博士銜
男兒志氣更非凡平生對君久期許舉杯不效時俗語
功名有命莫嫌遲請君記取贈別詩

五十八歲生日作

生辰常在水鄉過東海波連南海波自笑精神遊龍馬
天教踪跡傍龜鼈昔惟明月未尋迹今得良朋共醉哦
運命循環隨所過經冬丹橘尚青柯

次韻雲雷庚辰元旦見寄

纔把君詩誦數行便欣如病過醫王危時返國心猶壯
元日懷人句亦香歧路羊亡追幸及迴汀雁落倦堪傷
穿雲又欲西飛去俯視義眉氣鬱蒼

遊香港淺水灣

水碧沙明境倍幽最宜銷夏此灣頭孤鴻為欲西飛去
先趁春光往一遊

東渡曾經住九州如今又作海南遊
風光兩地多相似人在清灣淺水洲

九龍春日

頻聞雷動雨滂沱
花落花開一剎那
轉覺此間冬日好
耐看紅紫比春多

幾度尋春不見梅
東風雖到亦徒裁
憑欄欲共百花說
休得爭春獨自魁

春陰

春到端宜放杖遊
偏教佳日少於秋
依稀花影迷人眼
黯淡山容黯客愁
無雪無梅詩興淡
非煙非霧野陰稠

輕雷又欲催成雨
不許殘紅樹底留

將自香港乘飛機再赴重慶

香爐山望大巴山
未往蒼茫雲海間
此去微衷私自擬
敵氛未靖不輕還

寄任志清昆明

不見考昇久惟聞
政有聲官從滇國顯
詩似石泉清故石泉名
噴泉為勝名勝去臘遊
三蜀微衷痛兩京
何時具難秦

共話別離情

寄胡石青重慶

歸來病鶴大瀛東
飛渡曾經到蜀中
戴笠猶希逢舊雨

駟車遠憶訪元戎兩都魁先夫見三峽雲煙遠夢通
數向宋王臺上望蒼茫懷想獨臨風

淹留

自笑緣何事渝州欲再遊心輕三峽險跡戀九龍幽許
國雖非晚知音不可求此間聊之樂有姪共淹留
如今得坎止何日覩離明大陸猶常煢重洋豈太平浮
雲共西上歸沙伴南征拜宴思前事鄉心祇自驚

謁楊侯王廟遊訪九龍寨城三首

此地春無三日晴重陰屢屢阻山行翻然往謁侯王廟
南宋主楊亮節護帝末此而死後人為之立廟又曳節杖到寨城原為九龍

升階僮僕寸心潛默禱搖筒出下籤不及退之擲杯致
感通能得吉祥占

九龍盡去但餘城城內荒蕪城外紫九龍半島有割界於英者有租借九

城十九年者惟餘寨城仍為中國所有若喻英王冠上玉徽瑕故仗玉邊生英人夙喻香港為英王冠上最輝煌之玉與九龍隔一水耳

次韻敘五同放園達權與余遊侯王廟九龍城之

作

覽古真同話劫灰蕭條異代信悠哉寨城野廟猶長在
吾輩今朝通共未石想貞臣風骨偉雲疑副將陣圍開
劇憐嗚咽龍津水拍岸聲喧似激哀

次韻放園遊攢石山

共取遊觀半日歡
山羅巨石一攢攢
礎材不入良工眼
空闕溪流作淺灘

失道疎篁一碧幽
此君真不負吾遊
忽思子厚尋山樂
隔竹聞泉買小邱

遊荃灣銀禧水塘遂至東善陀寺

諸峯環合屬依谷
築池塘飲水知源遠
塘為九龍自來水之最水源

觀旋歎匠良灣
隨深蔗轉寺隔半山
巖碧眼僧相送
僧為美 悠然出法堂

同賈果伯劉放園胡敘五及達權姪遊青山寺



山橫碧海湄寺隱白雲隈
浮石傳杯度林度石相傳為南朝宋僧杯度

碑所題碑憶退之高山第一四字碑相傳為韓 祇園種

黃竹小泓蓄靈龜
卻為逢多難登臨共此時

升旗山纜車

鋼纜牽車上遷落俄頃
山頭又山脚上并仰面覺天低

降落俯身愁地着
人事已殊廿載前
升旗山色猶如昨

重来忽憶吳柳隔
同車曾踐登臨約
護國之後余返自桂曾與柳隔同遊

山在

壽胡敘五母夫人六十

生兒能象賢信佛老
彌堅仁里還金見
壽里有夾金者請母為禱於佛

盜者風賦畏母 義方託夢傳母嘗寄書叙五謂兩度夢
透至還其金 或史 聖幸徵抱節花甲慶周年世亂虛萊綵遠思發水邊

靜寄

病身不羨肉飛仙靜寄龍津得自便傾耳甘言非遠識
關心細故豈高賢西瞻蜀道青天上東憶崎陽碧海邊
樹繞吾廬堪卧對更欣四月已聞蟬

涉園

屋角林梢見翠巒涉園盡日有餘歡夏雲乍起千峰詭
海雨頻來六月寒隨意將筇分碧草偶思和露摘黃蘭
為白蘭花 幸無酷暑侵清簟盡倦而窗一枕安

次韻酬佩秋

江南風物思爭禁喜得君詩抵萬金五月黃梅時節雨
兩人白首別離心色難腥腐貧能守癖叢筋骸老更侵
無今還鄉共幽討惟將雁蕩夢中尋原作有雁峯深屬

尋句

九龍夏日道懷

八夏慵夫更縱慵綠陰濃處日扶筇嘔心不效李長吉
徇俗無識孫會宗午夢乍回鷺鳥語晚晴繞放識山容
頻逢海雨堪消暑隨遇安然住九龍

一枝棲息似鷓鴣長夏村墟送竄寒雲外蔣山何日見

盜者風賦畏母 義方託夢傳母嘗寄書叙 五謂兩度夢
逾至還其金 佛言此子者酒傷身爾命
或豈 幸微抱節花甲慶周年世亂虛萊綵逆思安水邊
靜寄

病身不羨肉飛仙靜寄龍津得自便傾耳甘言非遠識
關心細故豈高賢西瞻蜀道青天上東憶崎陽碧海邊
樹繞吾廬堪卧對更欣四月已聞蟬

涉園

屋角林梢見翠密涉園盡日有餘歡夏雲乍起千峰詭
海雨頻來六月寒隨意將筇分碧草偶思和露摘黃蘭
為白蘭花 幸無酷暑侵清簟畫倦南窗一枕安

次韻酬佩秋

江南風物思爭禁喜得君詩抵萬金五月黃梅時節雨
兩人白首別離心色難腥腐貧能守癖叢筋骸老更侵
無分還鄉共幽討惟將雁蕩夢中尋原作有雁拳深屬
堪棲隱準待秋來

九龍夏日遣懷

八夏慵夫史縱慵綠陰濃處日扶筇嘔心不效李長吉
徇俗無譏孫會宗午夢乍回鷺鳥語晚晴繞放識山容
頻逢海雨堪消暑隨遇安然任九龍

一枝棲息似鷓鴣長夏村墟送寂寥雲外蔣山何日見

花間杜酒有時遊風多蟬唱沈聲易澗曲泉流得勢遙
偶把小詩作消遣欲吟白話古難調

宗武惟喻以其過開羅時同照之相片寄贈賦此

荅之

日屏有客未轉致一相片題寄自美京照於開羅旬魏
巍金字塔萬古形不變三人乘索駝一人向味見喜君
與君婦猶是春風面駝前立駝夫駝後塔影現君如作
游記此片須入選憶昔讀西史尼羅名久擅文明此一
源臨河倘戀戀共茲滄海行信是青雲騎駝遊埃及
我與客同羨

村居

秋風不作寒夏日無可畏環堵蔽綠林未受炎涼氣屋
角露山光更饒幽居味欲老海南村莫問歸也未

九龍中秋對月雜詠四首

冰輪疑比小瀟圓豈是秋懷逐境遷照屋多情香島月
阿咸同此對林眠
誰持圓月作形模樽中合飽與酥今夕清光人盡望
不知食餅幾家無

山居難具海鮮盤鴨洲前傍水簷漫道亂中清興改
月明爭放酒杯乾

屠屠中秋月色輝
遂因見月憶邦畿
大巴山與巴江上
多少飛機帶月飛

政論

經營生事已全輸
政論應為世所迂
平準誰思得桑孔
權機今喜出孫吳
長期多難終興國
天水西昌倘徙都
卻料歐洲爭定日
吾將收復及東隅

顧壽白寄示夾江南安石面渡漢柏徵文啟賦此

奉題

昔溯青衣江未至
石面渡今聞建安閣
靡德曾此位殘
猶顯精靈眷戀林
登趨又聞有古柏
亦為漢季樹霜皮

下

十丈餘香葉疎密布
氣接我雲長根如銅石
固盤據誠
得地長存神所護
囊為錦城遊數繞
錦亭路丞相祠老
柏文章終不露
聞遭獻忠亂一炬
竟輕付材大難為用
人憎鬼亦妬
南安值斯亂
蟻賊曹暫駐
相傳白衣人
有人夢白衣神救以紫木
為城可避張獻忠之禍
庇相賊未過是以獨見全誠
我有定數造化是元功
傳說成掌故
夾江非通都
藏此
棟梁具萬牛
怯邱山千古埋
煙霧值茲艱
難際良材氣
可吐古物有幽光
發揚託毫素
昔慚失交臂
今題永懷
句殷勤語飛鴻
寄與吾友顧

次韻放園同遊香港仔賞月

香江佳日屬三秋，秋半尤宜作夜遊。明月共看應更好，
微雲暫翳豈須憂。生涯神女洲邊艇，風味珍魚海上樓。
倍放清光拈面皺，嫦娥故使老人羞。

放園佩秋各用涉園韻和贈因疊韻答之

屋下流泉屋上巒，小園半畝足清歡。雖諳海表煙波暖，
卻憶江南橘柚寒。相倚芳鄰交竹木，載芟眾草護芝蘭。
秋來對景吟哦際，筆硯供題拂石安。

九龍重陽作四首

莫從花事論秋光，九月香江未見霜。無力西風牽野菊，
不曾染得一枝黃。

久與青山作比鄰，登臨分外覺情親。村頭藉草蒼茫坐，
日送風前落帽人。

重陽雖欲插茱萸，何處登高憶及吾。厚祿故人心似燭，
綺羅筵外被光無。

對酒天教病作監，海鮮總覺帶腥鹹。登盤何物酬佳節，
赤棗糕香且慰饒。

朱鐸氏自樂山寄示自題維摩室圖詩次和

傍山築屋絕紛諱，身淨應無著散花。圖出爭看摩詰畫，
唐所為王獻詩成閒飲已公茶。

室距萬福寺甚近

烏尤百丈巖前

佛雁蕩三秋夢，裡家引退依然思。恩園郵知君不使，鬢空

華

佩秋遣水惠寄示二律次韻酬之

歎浦康辰九月朔風姨來自雨師家銀山乍碎百雷吼
海市相驚萬口譁波欲搖林連夜困窳將化土入厨嗟
更看雲水濤湧裡地上行舟似走車

愛汝詩堪金石撞遂憐頭白卧滄江飄風入戶兼飄雨
小屋通潮似小艘欲障橫流終縮手為書細字暫開窗
遙知吟罷當酣飲借問醅醕積幾缸

敘五移居樂道賦賀

聞道喬遷處樓高引興長明窗安筆硯新詠棄山王無



樂能過醉可居惟此鄉幾回待書札邀飲共劉郎

謂叔圖

報載下楊遊記稱為世外桃源佳遊有作

忽聞物外有田園乘興欣然到此村豈料尋常山水處
被人稱似武陵源

雜感八首

追憶當時別小瀆秋風吹袂向歸津此行自愛神州好
不為琅玕欲贈人

路入吳淞海船遙忽逢盤詰語囂囂誰能障此一江水
不許鼉鼉逼岸驕

歸來歌浦已無家暫借枝棲不用嗟惆悵元卿舊三徑

猶存松樹與黃花

暫寫時百
里舊宅

此際和我那得成不須仰面發哀鳴長鯨正作吞舟勢
木石難填東海平

倘簽密約豈成邦勸阻非無國士雙落葉蕭蕭風更急
寒潮送我到香江

蜀道飛行豈畏難巴山共語到更殘惓然不覺頰前席
詎料元戎禮數寬

樊籠竟得出鸞鳳賣國文書賴揭揚史喜卜鄰數相見
綠楊明月好同望

去年秋杪興方濃今歲冬初夢已慵譬如飛鴻泥上爪

閑來祇踏屋西拳

改詩

何以濬吾思時須自改詩詩中有三昧多改始能知

九龍塘即事

繞村山勢似龍蛇氣暖終年總見花守戶吠龍窺過客
出牆高樹蔭鄰家芳塘水色明閑鑑平地雷聲殷走車
此處最閒惟有我曉晴曝背晚看霞

雲雷寄示近作余亦錄呈俚句弄賦此答之

所思在虹橋欲往水程遙漫向刀環顧猶慚木杻漂寄
詩承遠憶引領為長謠聊以芹兼曝獻君不待要

戲答雲雷

被喚詩人笑殺儂豈因山谷是吾宗愧無絲石洮州硯
貽與文潛濟筆鋒

二十九年除夕作三首

爆竹驚人似戒嚴南來已見一年淹漫將新麻從頭數
海屋明朝壽未添
惜歲不眠欲笑余老年彊竟少年如明燈獨坐心語口
未到雞鳴歲未除
明歲人稱勝利年我今揅度亦云然羨人送贈黃金錯
壯士長歌白馬篇

菽履

菽履繩愆歲月移渾疑褒獎是虛辭高登有憾猶名捕
李廣無功為數奇望蜀人如天上坐杜門我且飲中嬉
獨憐酒力深宵散落月依稀照所思

鐸氏面言近到榮縣與趙堯生先生晤談至為快

事趙先生詩人也而鐸氏亦喜吟詠所談皆有

及於詩者因用題維摩室圖詩原韻賦答

香宋樓前靜不譁遙知妙舌架蓮花欲尋島佛三年句

先吃趙州一盞茶玉甌龍湫俱勝境玉甌峯在樂清白石山此山又名中

蕩蕩雨希晦各詩家德門自昔傳書種莫為耽吟惱鬢

華

白鸚鵡三首

嶺南秀毓雪衣娘
令住西家只隔牆
憐然能言轉多事
喚茶呼客為誰忙
吟餘香稻向人喧
舌斷猶矜有慧根
纒悟言多難免失
此身況爾困籠樊

長鎖金籠縱不平
人閒何處得同情
放鵬放鶴雖曾有

自古無閒放雪鸚

辛巳元旦示放園果伯敘五以下平已

砲仗花開紅欲然
亂中感物又迎年
巴山漸失凝空霧



致五重慶詩有一
冬霽氣底蒼生 瀛海將看接戰船
客至寢門皆舊雨

詩因人日有新篇
放園預賦人日賀
李贊呢新始詩 多情最是南枝鳥

為喚春光到眼前

賀李贊呢王木蘭結婚

相逢意氣似鄉親
翹首幽燕老更頻
我與二君同想望
居庸明月北平春

香江地暖況逢春
紅紫相扶上樹頻
喜見穿花雙映蝶

翩翩飛舞最情親

招邀

馳電招邀急詞稀
意未明豈煩天下計
因約蜀中行雲

海前遊路春風相識情客愁千百結怕聽杜鵑聲

五十九歲生日在重慶作

且喜生辰得舉觴休論是處是他鄉
郭筒排闥真堪憶杜宇催歸枉自忙
今日又行當日路老年欲入少年場
任從猿鶴爭相笑一枕黃梁夢太長

客思

曙冷江樓靜天陰客思慵防空城隱霧設險劍為拳
大勢全憑蜀充言莫惱僮匹夫雖有責未必道能容

次韻酬鐸氏見贈

早思拔脚鞅紅塵朗慧如君最可人料得雁山歸隱日

布為衣褐葛為巾

敢以無才說數奇心安卻視險如夷
瓣香久拜宗臣像明志端從澹泊時

入防空洞

日出蜀危岫巖然動客心見山繞霧散入洞似天陰
未覩飛機影惟聞警笛音此時自消遠面壁作微吟

次酬放園壽余五十九歲生日之作

早知斑鬢各添霜六十明年互獻觴

原詩有我亦明與

子情如魚得水向人言似雁謀糧老松卧壑天無意實

劍脫囊夜有芒

用原詩第六句出匣

慚愧吾家寶林度

敢將一勺比汪洋故國言其原詩第五句臨流早識心能壯乃述余曾言幼時臨流濯足有澄清四海之志聞之益愧

林佛性次余自壽韻見贈因疊韻答之時同客重

慶

今與賡酬昔共觴幾回聚首慙他鄉蜀山蜀水天生醜
飛去飛來自笑忙卻喜行營尋丈地猶容放論兩三場
扶危幸有元戎在愧我曾無一策長原詩有重未應有治安策句

二月廿八日還香港在飛機中作

天邊人影如追日雲外機聲若震雷惘惘憑虛心問口
我緣何事去還來

午前自重慶飛回香港以大霧不得達暫停南碇

飛機場入夜轉雨始回

朝發大巴山翱翔霄漢間恐迷香島霧遂下北江灣城
堞依瀆水梅花近嶺關幸然轉為雨入夜得飛還

思蜀

歸逾十日猶思蜀此意原非為識韓曾聽啼聲憐杜宇
似隨旅夢到槐安行厨釜不因人熱南國春偏和霧寒
我本梁園舊賓客欲攜綠綺向誰彈

含笑花

花名含笑笑何人丁晉公原句揣測花情未得真花不笑人

惟自笑年年閒度嶺南春

花香頗似甘蕉果月夕晴朝更艱然何物堪為君伴侶
忘憂草與合歡蓮

遊沙田作

沙漲海為田村墟綠樹邊隨緣結遊伴稱意值晴天寶
殿耶宣教道風山天主教堂自稱為叢林其禮拜堂稱
殿多為地庵景尊寶殿此外名稱及法器皆用佛教者頗
故雲所無西林僧廢禪西林寺僧以鉢館餐室
為業佳日遊客如雲雖嗟無
勝具猶上道風巔

放園邊陪寄廟午宴散後余偕寄願遊升旗山

白墜頻勞勸青藤信可交笑談香島市滋味舊都有宴

罷舟山去風來和霧捎欲窮虛吉道聯步翠微坊

寄願寓余小齋賦此贈之

愧我龍津成小隱喜君蝸舍肯同居榻留佳客應長下
窗入青山更覺虛亂裡難逢開口笑紫頭常置養生書
寄願業有
御老方相期共似蒼松勁歷盡風霜總晏如

杜門

樹色山光逼座隅杜門對景亦良圖枝頭好鳥聲千轉
嶺上晴雲態萬殊清蜜芽薑仍有辣點瑕明壁已韜瑜
細推物理應行樂飽喫猶貪荔子腴

聞日軍去温州

初報鄉闈入戰塵旋聞胡騎去甌濱誰能固守飛雲渡
今獨追憊向日民道阻親用無一字眼穿盼望已兼旬
老妻消息何從問真愧牛衣作伴人

重午客中三首

殊方莫歎髮成絲令節遂欣酒滿卮自愧才難比袁易
也題重午客中詩

南來已作兩端陽令昔賓筵試比量勝昔樽前有徐子

懷令座上少劉郎

徐劉係指
子庭秋園

天中節是招魂節幾處揚舟弔屈平可笑香江梅競渡

龍船頭繫電船行

送寄願飛往重慶

吾儕閱世知何似應似牽船上峻灘進寸慚余終退尺
形勞多汝尚神安竹枝重聽巴童曲羽葆初瞻漢將壇
俄頃扶搖數千里蜀行非復昔時難

次和虞裳見寄

參差舊事夢猶殘倏忽流年指一彈去日苦多來日少
作詩容易改詩難幽蘭委露香仍在美酒撩人量欲寬
紆鬱思君偏不見維逢令雨豈為歡

放園病頭痛賦此慰之

方圓老居士

居士
居自號方

示疾此山中豈是詩為祟休嗟

道已窮宥然觀性月頓可愈頭風君學維摩詰應知我
相空

曉起

曉起看山不見山
彌漫雲氣夏生寒
浮雲莫取山容去
除卻山容不欲看

有聞感賦

率性陳詞自有真
西游原不為求伸
雖慚王猛稱奇士
肯認桓溫作可人
遠志何妨稱小草
病骸渾欲似勞薪
昂頭白眼看天外
滄海橫流賸此身

書鐸氏詠我堂記後

性情淳厚見文辭
堂構莊嚴寄孝思
庭訓久輕刀筆吏
親恩常詠蓼莪詩
桐花雖鳳堪傳響
風樹皋魚祇獨悲
不匱當能弘錫類
蕩南昔日有清規

謝電

何事偏饒舌
伊誰識苦心
憂時添白髮
買骨惜黃金
文字知奚益
風塵病更侵
濕勞傳謝電
無意復為霖

中秋寄頌遠飲淺水灣放園有詩次韻和之

不須擎楫泛中流
沙岸閒遊可結儔
對月良宵真足樂
看人雙舞亦忘憂
瞿塘峽口秋蕭瑟
淺水灣頭客鬱悠
萬里風煙自相接
吾儕且飲海邊樓

漫

寄願邀夜湖蟹戲呈同座諸君

時羞不用一錢買客餉徐君幾湖蟹蒲葦滿貯自攜歸
沽酒招賓各顏解初脫葦梢猶郭索旋投湯鑊堪嗟駭
瘦損因情越海來橫行漫憶當時騃秋風疑不到炎方
九月籬邊菊未黃錢手擘螯還勸飲一蟹各應盡一觴
嶺南用東坡惠州詩韻
秋光明媚勝於春到處園花照眼新但使杖端有錢挂
也思長作嶺南人

重陽獨登屋西小山

重陽歲歲有偏動故園心莫菊秋風晚松楸客思深登

景沈

高之同伴望遠有層陰老境難為節新醪且獨斟
何處登臨好悠悠涉彼岡屋西山半腹樹裡水雙塘山
有兩水塘遊息羣童集嘯歌清響長有小學諸生幸然成露
頂不畏素風強

秋懷

蕭蕭涼葉小窗前一室清幽自一天曉起每隨禽哢後
夜眠常占客歸先客指窮廡秋風故故吹華髮時難偏偏值
暮年欲學從軍無那老引盃看劍祇湛然

與寄願放園及權姪同遊看島書事

此地忽逢菊今朝始感秋霜稀花晚放園好林敦客貧

留拒入情人道寶雲道俗稱情人道穿廟不肯入同登茶肆樓影中滇
緬路雙目不曾遊滇緬路電影因過期未見

吾行簡放園

聒耳聽姑不息時萬方一概竟何之迷陽滿地堪傷足
卻曲吾行祇益悲
欲行仍滯九龍塘擬把詩壇作戰場雲物如旗筆如陣
卻愁劉子敵難當

筆談

可笑螳螂意太貪傍居黃雀未曾諳休誇晉國三無殆
欲學稽康七不堪老馬嘶風思莫北孤鴻摩月近天南

緣何橘綠橙黃日卻閉衡門作筆談

十一月三十日與寄願邀賈果伯同劉放園李馨

晄胡敘五三君夫婦及放園子仁壽余姓達權

同往大埔墟南園小飲

海風野樹送遊車大埔墟中問酒家今日南園良宴會
杜顏華髮笑談諱

村鷄兩作味非兼米酒三巡甜可嫌雖把滕王名小閣

滕王閣為南園餐室之名卻因晴日捲疎簾

飲中忽憶曾有人謂余老成卓識因戲賦此

曾蒙一電不虞譽笑為他人忖度予老更有成斑白髮

識如能卓殺青書飲醇杯舉雙蒸酒知味盤登兩作魚
莫憶甘言飽餼飯終年亦欲放翁如

十二月八日後所感五首

多行不義固狂妄轉歎羅邱自養癰請看星洲與檀島
皆緣綏靖名狼烽

英軍暮退九龍塘朝見忍民逞恠狂各把樓鋤打門入

強求財物奪饑糧

析骸以爨昔曾聞我亦令將書當薪且減饗餼謀度日
不須愁作絕糧人

砲擊機飛香島邊濃煙如柱數冲天可憐焦土成俄頃

愚

枉費經營一百年

碧海何時可掣鯨中原歧望驥能騰樵漁自傍蒼巖宿
雞犬從違白日昇

十二月二十四日作

心為時危悵詩因歲暮哦誰人無患難此日且消磨絕
句唐賢好連日讀唐絕句飛烽香島多九龍早淪隔不

詠奈愁何

二十六日香港停戰有懷放園

連朝動地砲如雷停戰居民愁緒開今夜舉頭新月在
何時隔海故人來

四十年前余與潮初同應童子試始訂交於場屋甲午
後東渡留學偕旅江戶雖不同校每過星期必相過從
得切磋之益清祚傾覆潮初奔走南北銳意政治余受
其命在滬辦時事新報民國三年余入中國銀行洪憲
之後潮初潛入西南策劃義師剷除帝制聲譽赫然嗣
以厭倦政治來滬經營信託事業其時余已受浙江興
業銀行之聘朝夕相見二十五年潮初以所營不順息
肩東瀛緘札往還最為繁密迨抗戰軍興友人子某隨
汪兆銘來滬與聞機密潮初胎書牀以利害某亦隨日
商之凶狡意稍動潮初遂秘密至滬代籌脫身之計余

三十六月... 滬... 潮初... 汪兆銘... 某亦隨日... 商之凶狡... 意稍動... 潮初遂... 秘密至滬... 代籌脫身之計... 余



下

五十年前余與潮初同應童子試始訂交於場屋甲午
後東渡留學偕旅江戶雖不同校每過星期必相過從
得切磋之益清祚傾覆潮初奔走南北銳意政治余受
其命在滬辦時事新報民國三年余入中國銀行洪憲
之後潮初潛入西南策劃義師剷除帝制聲譽赫然嗣
以厭倦政治來滬經營信託事業其時余已受浙江興
業銀行之聘朝夕相見二十五年潮初以所營不順息
肩東瀛緘札往還最為繁密迨抗戰軍興友人子某隨
汪兆銘來滬與聞機密潮初胎書牀以利害某亦隨日
商之凶狡意稍動潮初遂秘密至滬代籌脫身之計余

...

亦力迎之某遂攜此銘與敵所訂密約赴香港在報端
宣布與論大譁人多不知此中周折也時杜月笙君在
港與潮初無素余為介紹一見如故爰偕赴陪都以某
事言之於雷路雷路深喜資助某赴美并留潮初備諮
詢潮初以病辭遂回港休息於研究外交政治餘暇常
以吟詠為樂并將五十歲以後所為詩仔細刪存計成
三卷三十年春余避日敵威曾由滬赴港往來港渝即
以潮初九龍寓所為蓬旅香港被圍糧盡援絕數米而
炊形影相弔者余與潮初及其嗣子達權而已港為敵
佔潮初奔桂入渝余亦渡海返滬臨行潮初以詩稿鄭



下

重付託余恐被搜檢轉託友人以手持之乘飛機帶滬
仍歸余保存幸無損失但其離港以後所作稿都不存
良堪痛惜耳潮初在渝居友人謝侯進宅外憂國際內
憂戰局頻年失眠之症傷及心主三十四年四月驟聞
羅斯福逝世驚痛失度謂世界喪此偉人亞洲將受影
響強起呼籲有所獻替過於感奮心曠不支遂於是月
二十六日長逝蓋棺三月頑寇即呈降表天乎竟不令
愛國志士於易箘之前聞而含笑何其酷也潮初幼承
詩禮潛心載籍所獲鄉先哲遺書及未刊之稿極為宏
富故鄉樓萊書所傳布不及百一其餘不幸於二十六

年淞滬之戰與所收藏之吾鄉古來名人書畫盡付一炬即其生前講學論政之文字亦渺無存者悲夫袁弘之血杜宇之魄所寄託者僅此區區之詩卷耳幸賴平生至契曝金付印並荷顧廷龍君排批校寫遂得迅速印成重展一過不知悲涕之何從也中華民國三十六年五月永嘉徐陳冕謹跋

敬鄉樓詩 刊誤表

卷一	十二頁	十一行	徑誤為往
卷一	十八頁	四行	臥佛下脫寺字
卷二	十七頁	一行	肩韻下脫一聯原句為各任天機遠慮慮不隨時世作春妍
卷三	十頁	三行	文采誤為文章
卷三	十六頁	十一行	識字下脫心字又濯字下脫足有二字
卷三	二十頁	十五行	洗手誤為試手
卷三	廿二頁	十六行	惡民誤為忍民